

第一卷第十期

靈空學要誌

北京悟善社發行

悟善社廣告

靈學要誌一書貫澈三教真理堪供靈哲學家之研究其間所言性命因果尤足勸世化俗且售價贏餘悉數作爲慈善事業之用並非營利性質零售每期大洋四角凡預訂全卷者（全卷分十二期）納費大洋四元先行惠寄由本社給以收據爲憑按期陸續寄奉續閱者再行續訂如能定購多份轉贈他人以廣傳播功德尤爲宏大

靈學要誌第一卷第十期目錄

靈學要誌江叙

乩字乩畫類

濟佛化身像

余仙繪靈山八景之三之四

孚佑帝君乩書存心養性橫幅

關帝乩字

姚仙乩書橫披二幅

道詮類

姚仙外功與內功並重說

白玉蟾仙師寡欲靜觀說

摭餘

拐仙化身像

黃仙詩畫二幅

孚佑帝君乩書對聯

淨慈尊者乩書南無佛三字

姚仙靜功自然說

揭語

目 錄

目錄

論著類

余仙道教論

楊仙解頤語

孚佑帝君心平說

姚仙真利說

詩詞類

計八十二首

唱酬類

計五十首

善業類

救急會之緣始及歸併本社之概略

救急會歸併後之計畫

平仙念佛說

應仙續醒語

余仙原教上

糧食救濟會始末記

記事類

辛酉三月四月

孚佑帝君辛酉聖誕記

目錄

目
錄



勘 誤 表

類 別	頁	行	第幾字	正	誤
敘	一	三	二十三	是	事
道詮	二	八	四	壹	壹
論著	八	一	四	本	又
	又	又	十一	又	晚
	又	二	十三 十四	數計	計數
	四	二	十一 十二	戒不念	念戒不
	五	二	十九	勾	句
	十二	六	二十一	影	影
	十三	十二	十八	燕子重	
	十四	十二	二十三	壹	壹
唱酬	五	六	二十三	功	公
	又	七	十九	壹	壹

靈學要誌叙

古聖人欲天下之盡去惡而從善也。導之以禮教。束之以刑法。禮教勸以是非。而刑法畏以生死。然而饑寒之迫。利慾之誘。人有不顧其事而不恤其非。不愛其生而不畏其死者矣。矧奸黠者。每巧飾於禮教之中。而貴勢者。多曲脫于刑法之外。於是善者未必盡爲世之所是。而惡者未必盡爲世之所非。善者未必盡爲刑之所生。而惡者未必盡爲刑之所死。於是人乃莫勸以爲善。莫憚以不爲惡。而禮教刑法之用。窮聖人乃濟之以神道焉。顯奇異之威。神示昭彰之靈迹。使知有司之外。尙有監察者在焉。著報施之往事。陳因果之至理。使知世刑之外。尙有賞罰者在焉。人之所以敢于爲惡而不惜者。以爲身死而無知也。乃示之以不滅之靈。歷永劫而長存。使知身有滅而報無盡也。人之所以勇於造業。悍然而不憚者。恃貴勢之可以逃世刑。而奸黠之足以脫法網也。乃示之以循環之因果。經有生而必報。可以倖脫。夫人世者。必不能倖逃。夫冥冥也。暗室。


之內。方寸之中。人所不知。而鬼神之昭鑒。必察。刑所不及。而因果之報施。無虛。貴勢無所施焉。奸黠無所遁焉。如日月之照臨。無幽不燭。如形影之隨體。無往不從。於是舉天下愚智。貴賤。莫不敬慎。戒懼。如在其上。如在其左右。惟日慄慄。莫敢爲惡。今也不然。以鬼神爲不足信。以因果爲無可憑。既無所懲。復無所憚。是苟可以欺世。逃刑。而天下罪惡。何不可爲。此共和改造以來。舉國上下一切。破壞。不顧。而惟權與利。是爭。人欲橫流。亂靡有已也。維我 帝師。悲末俗之淪。胥憫衆生之浩劫。飛鸞顯化。創立悟善社於京師。京師名公鉅子。及四方賢士。大夫。聞而來集。 帝師藉木筆。以發海潮之音。運蓮舌。以闡圓妙之法。頻示靈異。廣度有緣。一時見者聞者。莫不歡喜讚歎。革面洗心。善門宏啓。拯拔日衆。慧濟。歷劫餘生。疚心世事。躬耕自給。理亂不聞。乃我 帝師不棄衰朽。置諸門墻。督成善業。期望之切。獎勸之殷。返之初心。不敢不奮。夫時至今日。人心陷溺。已甚。上無道揆。下無法守。異學興而禮教亡。綱紀廢而刑法絕。政治則苞苴是尙。

久不問乎。是非人民。則溝壑子遺。尙何計乎。生死救濟之道。才智俱窮。苟非仙佛。其孰能拯此。帝師之所以俯九界而發悲心。違寂光而示靈迹也。豈得已哉。同人生此五濁惡世。私幸親承明訓。得以自拯。又慮大道之不能普及衆生。同圓善果。乃彙輯垂訓之言。顯示之跡。以及社中事實。仙凡唱酬。刊而行之。名曰靈學要誌。俾世之有緣者。獲覽是編。皆得懺以自拯焉。是則我帝師度世之宏願也。計成書已九期。風行遠近。更何俟乎贅言。惟慧濟感受師恩。粗明道要。謹將我帝師顯化救劫。佑善罰惡之深心。剴切敷陳。以告諸世弟子。江慧濟謹序。



南屏道祖濟佛化身像

我是何人誰
是我佛
空担個大擔
黎笑他
卷髮如
髮丹空之達
鳥飛來
又向西
老顏




凝陽道祖化身像



靈山八景之三

蓬萊宮觀



辛酉七月余仙繪


靈 山 八 景 之 四

瑤
白
山
瑤
庵



辛酉七月余仙繪

黃 仙 詩 畫



昔年京邑
 秋光清寂
 情思中
 歸去鶴
 清聲何處

辛酉七月繪

黃 仙 詩 畫



辛酉七月繪

任心存

人觀丹藥皆紅奇

明心見性本自空

紫烟回春夢
喚不醒
白志崇
某里江天

桐筆

解面
子

人之上
者亦足
矣

清
英
六
百
餘
年
來
地
位
日
下

道 詮

弼文姚仙外功與內功並重說 庚申十二月
修道神鬼妖魔所忌也。魔陰而險其忌尤甚。但有外功則鮮魔障。所謂陽仁充足而陰險潛消也。外功既消去己心之陰險。即有外魔其何所乘乎。如冰見太陽彼將惟恐見消而避之不暇。又安敢相近乎。

弼文姚仙靜功自然說 庚申十二月

夫靜功之法切忌做作。強使意媒。全是自然二字。自然順其真意。則百病皆空。否則急步易蹶而魔障生矣。

白玉蟾仙師寡欲靜觀說 辛酉正月

凡人修道每不能躋於成者。總因擾擾於欲界耳。法當寡欲。夫修道之人必須絕欲。否則無論如何決不能得力。終屬空談也。世人不欲修道。則已如欲之非。

道 詮 姚仙外功與內功並重說 靜功自然說

道 詮

白玉蟾仙師寡欲靜觀說

二

從寡欲。做去不可靜時。初用觀法。卽返觀己心。念念回察。若人欲淨盡時。自然滿腔都是天理。天理是極靜的。如太空渾然絕無一點渣滓。若做到此方是能靜觀。字要訣全在一個淡字。世界紛華不過百年。享受况耗費者必不能得此數五六十而已耳。自思已過去若干年。尙有幾時。而尙僕僕求之耶。以此觀之。富貴色利皆不足恃。自然淡矣。淡則空空則靜矣。必看得物欲全淡。然後可以入道。自古修行成者。皆由此路來耳。並無他奇秘也。

偈語 庚申十一月辛酉正月

劉仙 清壺傾濁醅。酒自消。其波山泉流塵埃。水自黃。其河源頭各清湛。人自縈其心。靜意誠難得。轉瞬盡古今。願汝學道者。清源心自尋。

樵愚子 競說金丹是秘詮。紫霞誰識有真仙。青爐只在君身裏。打疊紛華種玉蓮。

白雲仙子 泉聲何處石影懸崖。猿鶴有性清風自來。莫止莫至動靜均該呼。

從。穴。出。回。向。靈。臺。問。何。如。會。四。野。花。開。

濯。松。仙 源。頭。活。水。已。成。泉。浮。出。明。星。上。映。天。分。付。漁。樵。休。便。汲。恐。驚。龍。蟄。起。平。川。

碧。眼。仙。子 道。心。太。始。影。全。無。有。影。生。人。執。習。初。修。道。只。因。除。此。習。習。除。人。影。自。然。除。

撫餘 辛酉正月

孚。佑。帝。君。示 吾。賜。汝。等。內。功。凡。誠。篤。者。必。有。所。得。惟。分。級。分。班。各。有。限。制。吾。已。區。處。勿。煩。多。慮。所。盼。入。吾。門。者。均。沾。善。澤。耳。

謹。按。本。社。開。辦。以。來。向。以。慈。善。為。務。旋。蒙 帝。師。親。授。內。功。俾。同。人。得。以。內。外。交。修。洵。屬。千。載。奇。遇。恭。讀。均。沾。善。澤。一。語。則 帝。師。普。度。蒼。生。之。願。於。此。亦。可。見。矣。

李。仙。示 焚。修。乃 帝。師。所。最。注。意。近。來。諸。子。絕。少。進。步。奉。命。派 碧。眼。仙。於。

道 詮 揭語 撫餘

道 詮 撫 餘

逢九日早九時。督飭坐功。並稍指示。此係 帝師特別恩施也。諸子勉之。
謹按 帝師恐同人修養不力。故定於每月逢九日。爲講授內功之期。除
帝師親臨外。並派 碧眼仙師督飭。以驗靜功。永著爲例。凡我同人。益當奮
勉。



論 著

余仙道教論

辛酉六月十六日

聖人設教以修道也。道之本體由教而明。道之實用由教而著。不必分儒釋耶回也。凡以教名者。胥所以明道也。夫天地之覆載。日星之光耀。山河之綜錯。萬物之生息。莫不範於道之中。而循乎道之軌。是故欲明道。先就有形之事物。物爲教以詳言之。其體其用。各有自然之序。其常其變。各有一定之程。道之在天者。如寒暑之遞嬗。晝夜之往復。晴雨之調劑。風雷之變化。皆其所見。所聞。有自然之迹象也。道之在地者。如山岳之峙立。江海之流瀾。草木之孳生。人物之動息。皆其以昭以著。有一定之憑藉也。卽其迹象以求之。考其憑藉以證之。則一循一環。陰與陽也。一起一伏。動與靜也。而其所以運之者。氣也。節之者。數也。平仙念佛說 辛酉六月十九日

觀音大士今日聖誕。普天下善男女。莫不嗑經禮懺。鐘磬之聲。徹於空際。諸天仙佛。聞是聲音。皆大歡喜稱讚。獨怪夫世人。徒知誦持佛號。而不知行佛之所行。徒知禮拜佛像。而不知求諸自有之佛。蓋人有一家。家卽有佛。人有一身。身卽有佛。如父母者。卽現在之活佛也。己身者。卽將來之真佛也。世人不明佛學之原理。佛教之真諦。以爲佛乃無上神聖。予何人斯。敢希成佛。殊不知佛亦人也。其稱佛者。乃宗教上之名詞耳。奉行此種宗教。達於極點。能爲衆生之先覺。而普度羣倫。傳道後世者。卽謂之佛。猶之儒林稱聖。稱賢也。今人讀書。初心不思。爲聖賢者。必無之也。何以學佛而不思。作佛耶。蓋學佛之人。約分三大種。上焉者。惑於清淨寂滅之說。而墮入虛無。次焉者。懺罪邀福。而怵於因果。下焉者。但知持誦。牟尼。便盡其能事。而墮入迷信。皆非學佛之正宗也。次焉下焉者。固勿論矣。卽上焉者。亦僅知一方面而已。其實聖賢仙佛。均殊途而同歸。所區別者。聖賢專言在世之法。而仙佛之道。則兼在世與出世二者。以爲法門。後世不

察。誤。以。佛。學。為。無。為。其。謬。實。甚。佛。果。無。為。又。何。必。普。度。衆。生。豈。非。多。事。此。中。辨。證。言。之。太。長。殊。非。一。二。日。所。能。盡。亦。非。數。語。所。能。解。要。之。學。佛。之。初。原。期。出。世。學。佛。有。進。須。行。在。世。成。佛。以。後。則。在。世。出。世。均。可。自。由。猶。之。道。家。內。功。外。功。也。故。吾。謂。今。人。徒。知。念。佛。而。不。知。闡。佛。之。理。行。佛。之。法。實。棄。其。大。而。竊。其。微。也。

謹按是日 平仙示文畢。諭云今日 諸仙均在南海。未交文稿。予亦曾往聽講佛法。姑以所聞略告耳。

楊仙解頤語 辛酉六月二十六日

虛。無。之。區。有。靈。境。焉。其。廣。袤。不。知。若。干。里。也。其。地。無。山。水。之。勝。春。冬。之。序。草。木。萬。彙。生。生。其。間。而。無。榮。瘁。之。感。人。民。含。育。孳。衍。蕃。息。而。無。老。死。之。苦。目。無。美。色。耳。無。淫。聲。舌。無。鮮。味。鼻。無。芳。香。而。凡。所。接。者。又。皆。辨。其。美。醜。哀。樂。甘。苦。芬。穢。於。耳。目。口。鼻。之。外。心。無。所。思。神。無。所。役。氣。無。所。滯。息。無。所。阻。而。凡。所。運。者。又。皆。能。定。其。思。慮。因。用。通。塞。往。復。於。心。神。氣。息。之。中。無。富。貴。之。欲。亦。無。貧。賤。之。憂。無。天。

殤之。苦亦無。老壽之樂。包天地之造化。而泯其迹。極陰陽之變幻。而無其名。

謹按是日 楊仙降示云。吾今日且作幾句解頤語。使諸君解頤何如。

應仙醒語 辛酉六月三十日（續第一卷第八期）

事之怪者。以理衡之。事之險者。以理制之。事之迫者。以理鎮之。是以君子以見。理明白。爲務邱山。不必皆有草木。然濯濯者。必有其故。苟善於培植。何愁物不生。養面垢身污。而行於市者。非狂卽病。吾人行乎仁義。動於性情。苟非自潔。安能免於亂世。捧水而傾。其器携屑。而揚其蓋。欲無僨事。不得矣。馳馬於途。其危非僅途人也。醇酒飲客。其醉非僅賓客也。故累人者。終及己。禍人者。己無幸。免爲車者。先察其輪。爲舟者。先利其舵。人之行事。使失所把握。將何以成功。乎蔽於前。則雖有目。亦不辨方。故君子慎其所視。行於徑者。其心常慮。曷若坦道之能夷然於中耳。

明於遠者。或昧於近。能於大者。或拙於細。人各不同。而必責備求全。是自誤也。

青松之葉非終不凋以其新陳代謝不與蒲柳同也人欲求駐顏之術曷不一師之乎遂逐名場所爭者不償所失孳孳利藪所得者或受其害是以人巧不如天巧也

孚佑帝君心平說 辛酉七月初九日

人處世要心平如水自然清福日多蓋心平則智明智明則因應咸宜因應咸宜則人不我尤無尤則福至矣心平則氣和氣和則接應皆洽接應皆洽則物莫相忤無忤則福多矣心若稍有不平或曲或折或滿或機如水之遇風波浪即從而起矣波浪一起非觸忤於人物不可觸忤人物小之嫌隙以生大則禍患立至蓋有主動力則必有反動力如影隨形如響斯應所怏怏不得免者無論何等英雄機智皆有其相當之對頭黃雀捕螳螂而人在其後所謂強中還有強中手自古迄今如此者何可勝數其始只因者一點不平而莫大之洪濤巨浪於以覆地翻天不惟共弊同燼而國與民亦受其殃豈不痛哉故人於平

時。務。須。養。得。天。理。滿。腔。使。此。心。常。平。如。水。自。然。無。事。若。稍。有。微。私。卽。生。風。波。矣。可。不。戒。哉。

謹按是文係 李仙宣布是日 李仙降臨時先示詩一首風薄雲殘月未升倚樓小立感縱橫文章舊憾丹黃目多少悠悠苦不平噫吁世少知音而謗語頻仍頗令人灰心耳今日奉 帝師交文稿一件特來宣示

余仙原教上

辛酉七月二十日

人。受。天。地。之。中。以。生。故。凡。天。地。之。道。莫。不。備。於。生。一。起。一。息。一。生。一。死。一。存。一。亡。一。往。一。復。皆。極。陰。陽。之。妙。關。動。靜。之。機。寓。夫。立。理。之。中。蘊。夫。氣。數。之。內。蓋。乾。坤。造。化。之。秘。胥。洩。之。於。人。天。地。亭。毒。之。心。胥。付。之。於。人。故。人。爲。萬。物。之。靈。配。天。地。而。稱。三。才。並。悠。久。而。立。無。極。然。而。無。知。者。忽。焉。半。知。者。疑。焉。惟。有。全。知。之。聖。人。始。能。識。其。當。然。而。道。其。所。以。然。保。其。所。有。而。返。其。所。以。始。此。則。明。道。設。教。之。工。夫。也。夫。至。誠。之。道。可。以。前。知。非。相。率。而。爲。僞。也。中。和。之。致。可。育。萬。物。非。自。欺。

而為夸也。苟得其道，則天地何有？苟失其道，則草木同盡，其微茫恍惚固在。不見不聞之間，其推闡顯著又在日用尋常之事。所謂粗精巨細，一則愚夫所能所知，一則至聖有所不達，惟其易知則忽，惟其難知則疑。聖人於不或忽不敢疑之間，深思精研，始得之於形象杳冥之外。其得之者，天所命也。故曰：天降惟為天降，則天之所生莫不為上帝赤子而先覺；後覺莫非同秉受之倫。故則天地之生以名為道，述天地之道以傳為教，又皆順天地之序體天地之心者也。夫天地之道不祕於全知之聖，聖人之教不隱於含生之倫。故教存則道明，教失則道晦。一興一替，世運繫焉。一隆一污，道統與焉。雖為名或殊，為傳各異，其休戚所至莫不與氣數相推移。莫之為而為，莫之致而致也。然則率教以範天下於道，豈非救劫之良劑歟。

謹按是日 余仙示云：此文為原教，其上篇也。俟下篇宣示後，再行續登。

弼文姚姬傳仙師真利說并序 辛酉七月二十七日

余不文又未嘗學問。生也晚。不得與聞今日西國新學。故於其精奧蔑如也。然幸有夙根。在天之靈。所燭照計數。於今之所謂學者。尙什得其一二焉。敢以供吾同國諸有識者。

自有生民。卽有斯利。利者所以前民用而蕃其生也。易曰。先王能以美利利天下。大學言財利。獨詳古未嘗以利爲諱也。戰國邪說日逞。習於詐謬而僞利之說始興。僞利興則真利之說日泯。民生於是遂益促。孟子目覩其敝。不得已而倡言仁義。諱言利。顧仁義者真利也。其所諱者則當時妄謬之僞利說耳。大凡真利之爲利。實且久而僞利妄且暫也。十年樹木。百年樹人。真利之爲道。常平庸而不見。近效人則謂爲迂闊而不肯爲焉。泊乎道夷俗敝。大亂作。人禍興。而始知前此迂闊者之果爲真利。其自私且謬於暫時者之爲僞利也。然狃於習近。每苟且以求自便。雖知之且曰待聖人爲之。或且以爲時更有急於此者。而不暇爲之也。噫。此僞利之害。所以至今愈亟而吾所以不得不亟辨明以爲世。

防也。宋之盛。王介甫以爲未足斤斤。然務去其舊而新。是謀其意固先。王意而必求其效。於且暮間。乃於是造成莫大僞利之害。北宋亡。夷禍烈。民生塗炭。幾於左袵其國焉。明末士大夫門戶之習。日盛。至於賄賂公行人。各圖其私利。而盜賊興。國社墟矣。宋明已事。其最大者而往古之狃於近利。以致禍亂相仍者。不可勝證。最近世風丕變。新說日多。欲望近步之談。與權利競勝之論。幾爲定衡。而不可或易。如是學說盛於法蘭西。而勵行於德意志。非不富強其國。爭勝一時。然妄而不實。暫而不久。飄風驟雨。不崇朝而變幻相移矣。法之革命。延百數十年。人民喪亡殆盡。而卒以授之拿帝。拿帝更循是覆轍。以爭利赴欲。而不已。不惜糜民以窮兵。而卒以滅亡其國。與身矣。自是以後。法人再遭拿帝第三之好利。而國又瀕於亡。近年以還。法人爭利之心。不如其前。而傷亡傾覆之禍。亦減於昔焉。德自普魯大帝與卑相創造鴻業。日以強盛。至今日德主以其好利無厭之心。遂開世界未有之戰禍。而卒以一敗不可收拾。噫。綜觀古今中外。

偽利之害十年以外其效立見如立竿見影不可以絲毫或爽者也是知天下有真利焉奪之弗能讓之弗去一立其基亘數千百年而不可喪亡孟子所謂仁義也蓄之爲道德用之爲教育成之爲風化忠孝友愛信其目也君君臣臣父父子子其效也正德則厚生之益日溥敦倫則美利之利無窮是以君明君之利而昏惑危亡之害遠矣臣忠臣之利而奸嚚傾覆之害遠矣父慈父之利而無殘虐自戕之害子孝子之利而無忤悖離叛之害夫婦兄弟朋友亦皆以其愛之友之信之爲之利而不愛不友不信之詐譎爭軋之害自銷滅於無形天下之事無害卽有利天下之人愛之卽利之斷無有既相愛而不相利亦斷無有既無害而復不利君臣父子兄弟夫婦朋友既相親愛而去其害矣庸有不獲所利者乎合此舉國舉天下而爲此君臣父子夫婦兄弟朋友固結不可解之親愛自必獲此舉國舉天下君臣父子夫婦兄弟朋友固結不可解而且不可奪不可去亘數千百年久而益真之利焉明矣秦失其利天下騷然漢高

崛興。知其利在此也。尊孔子。重經術。以詩書治天下。其效迄數百年。王莽奸偽。此利復壞。光武起。釋奠太學。崇儒重道。以節義號召天下。重興此利。又數百年。魏晉六朝。胥無能治斯利者。故民物失序。禍害頻仍。唐太宗一除其害。貞觀之治。崇道德。行仁義。天下化之。幾於刑措。卒奠三百餘載之基。其利永矣。五代亂亡。無知此利者。藝祖嗣興。深識此利之所在。乃謁孔子。立太學。以文治彝倫。治天下。天下遂翕然昇平。絕去禍害之萌芽。宋代儒術之純。忠節之多。雖頻經強胡蹂躪。而卒延厥祚於數十世。豈非藝祖先立其久長堅固最厚之利基。而致然歟。乃說者猶以此真利者爲閉關時代之舊道德。爲不適用於競爭之世。噫。亦惑矣。試觀現世最新國家。如英美法德。其軍國民之教育。能使人人實具其愛國心。雖頻經艱阻。其心固結而不可或易。故英法諸國。卒以勝德而德亦以此能支撐列強年餘。倘無此真利。又安能耶。美與英亦最親愛家屬。其父母夫婦兄弟感情之真摯。恆出中國上。故能立國久遠。非持此真利者乎。歐西諸國。

皆極重人道好慈善耶教所被莫不好生樂施而救濟貧苦之公團及機關尤極夥非知仁愛爲利己利人之事能若是歟其於通商交際極重信用從未有欺人罔一時之利蓋深知真利之實且可久而利亦卒歸之豈不信哉然此亦不悖於所謂欲望進步與權利競勝之原則也蓋既言進步矣則是進妄而爲實進暫而爲久進一己之欲望爲一家之欲望進一己一家而爲一國一世之欲望斯真世道人羣之真利豈徒身家哉既言競勝矣天下從未有僞者能勝真者不勝者權利若在吾所謂真者方將勇任堅守而不暇又安肯一毫放棄之乎若其僞也則爭權爭位以啓禍方將自害又安得所謂利乎孰舍孰取智者自瞭然耳先哲曰仁者安仁智者利仁又曰不以利爲利以義爲利是知仁義爲人之真利昭昭不爽欲求利者所斷斷不可須臾離之也易之美利必本於堅貞書之厚生利用必本於正德大學言財必曰有德此有土有土此有財德者本也財者末也是所以不諱言利者正以利本於德則實且久無可諱者

也。後世私利是圖。變亂叠生。至今日而爭軋之禍益深。不知者且迂視吾言。卽知矣。而或有所不暇。若有待也。噫。禍患災劫。弭之在人。曷審吾言。提倡真利。爲百年樹人化俗之計。以弭後來無窮之大患乎。嗚乎。人人可爲聖人。人人有救患之責。其曷急起直追而速轉移之。吾引領望之矣。

謹按 姚仙本日降臨時示詩云。昔年玉署久塵埋。學士蒼涼今古哀。回首四三恍如夢。同榜曾贖幾人來。唉。慧真捨君其誰哉。當時六七人。今之所謂玄機悟淡鎖覺覺平悟恆悟真等是也。今則夙緣半昧。蓮社安在耶。幸而壇坫際會復聚於一堂間。是亦過去未來之一轉樞也。又安得不以文相識乎。豈但化世哉。今日吾稍閒。諸人未識。可以概見否乎。哈哈。文酒之會。其樂固無逾於此矣。今且出文以畢今事。迨文旣宣畢。姚仙自註云。此篇稍近吾平日手筆。然爲曉世故。又不得過古。所以有拖長之氣耳。李仙諭云。弼文曾笑謂因化世故。又屈己文格。爲拉拉不林之詞。蓋化世文貴於詳盡。不

論 著 姚仙真利說

厭冗複也。恐讀者或疑非其本來面目。故命言之。附於其後。以爲解焉。

詩 詞

黃仙 辛酉二月初一日

依約東風展畫圖。芳痕漫綴百花初。平堤新綠侵楊柳。春意絲絲掛雨餘。

自註云。前日小雨經過江干。似此景耳。

孚佑帝君 辛酉二月初一日

吹起閒雲海面風。盪胸撩動武當峰。貯囊僅有靈丹顆。射出光芒夕照中。

何仙 辛酉二月初二日

滿庭燈色月輪明。仙馭遙臨古玉京。斗室還遊千里鶴。奇文刻燭十年成。

自註云。知此意否。斗室千里。刻燭十年。何其奇耶。

闔環使者 辛酉二月初二日

詩 詞

詩 詞

小遊塵界憩松陰。月色如烟鶴伴吟。清夢聊成戲鳥影。一眠蕉底又春深。

吳仙 辛酉二月初三日

宴罷瑤池夜色闌。東風著力釀春寒。烟迷遠樹飛塵合。莫笑仙人認路難。

余仙 辛酉二月初四日

風捲塵飛四海昏。鶴旂逐日下平原。高峯隱現白雲外。萬戶春寒晝掩門。

李仙 辛酉二月初四日

蕭然心事碧空雲。飛鳥何須錯喚人。接近春山不見樹。潺潺流水誤前津。

胡仙 辛酉二月初四日

飲盡寒泉骨欲冰。芳菲心事付枯岑。清風待寫飛仙跡。酒熟人間醒未曾。

姚仙 辛酉二月初四日

西窗月色獨黃昏。笛韻誰家風過門。倚柱韓盧清寂甚。戲將石子作糕吞。

何仙 辛酉二月初四日

寺在雲中僧去山禪關終日佛尊閒行歌飽看天台景歸鶴斜陽水一灣

劉仙 辛酉二月初四日
洞口春寒未見花冷雲遮斷碧城霞閒中欲寫黃庭字詩興催人過酒家

華仙 辛酉二月初四日
揭起層波海欲傾扁舟迎浪渡蒼生誰人識得慈悲旨救盡三千登太平

孚佑帝君 辛酉二月初四日
東風釀就百花天得得吟鞭石鏡前湖海蒼髭雪染白詩詞紅杏夢中妍慈航欲掉愁風急慧劍常磨歎我閒消息春情爭幾許空將嘯照費年年

宏教真人 辛酉二月初四日
輕裾曼袖舞楊枝花樣新翻唱艷詞架上鸚兒竊聽慣也隨清韻學吟詩

何仙 辛酉二月初五日
漫喜晴光淑氣催寒威未肯放春回東風二月狂如虎勒住羣花不敢開

詩 詞

詩 詞

顛仙 辛酉二月初五日

不。參。禪。不。打。坐。不。持。齋。念。戒。不。彌。陀。不。僧。不。道。不。儒。冠。不。食。人。間。烟。火。但。年。年。
秋。月。春。花。不。肯。輕。輕。放。過。

吳仙 辛酉二月初五日

冷。空。淡。碧。暗。雲。移。又。誤。春。風。十。日。期。半。島。鶴。來。初。報。意。寒。山。雪。雨。正。霏。絲。

馮仙 辛酉二月初七日

大。道。由。來。非。奧。妙。存。心。一。點。判。仙。凡。淡。中。滋。味。無。人。識。偏。好。酸。甜。苦。辣。鹹。

閻環使者 辛酉二月初七日

蹀。躑。雲。羅。唱。小。歌。松。枝。送。月。伴。清。哦。山。猿。也。喜。幽。人。句。斜。傍。飛。泉。嘯。碧。蘿。

應仙 辛酉二月初八日

明。媚。春。晴。暮。更。妍。殘。霞。織。綺。滿。青。天。橫。空。雁。陣。三。行。字。繞。樹。炊。煙。一。縷。綿。風。送。
鶴。程。山。影。外。雲。披。月。鏡。玉。樓。前。呼。僮。汲。取。石。間。液。消。受。春。宵。半。晌。眠。

古仙 辛酉二月初八日

暮色天千里。江聲水一舟。白雲共來去。青靄爲句留。竹杖幻龍種。草叢披月鉤。歸途逢舊鶴。相望野溪頭。

間環使者 辛酉二月初八日

清。宴。杯。盈。清。酒。醪。芳。醪。清。烈。鄉。醞。熟。嘗。出。個。中。甜。漫。從。杯。裏。添。小。醉。東。風。暮。鶴。聲。在。何。處。笑。向。濁。波。飛。清。芬。流。異。菲。調。寄。菩。薩。鬘。

張仙 辛酉二月初九日

雲間綴綵月添華。汗漫金臺作素涯。風徑一樽陪夜宴。誰將羯鼓暗催花。

宏教真人 辛酉二月初九日

吹盡塵砂不見人。昏黃月色渡重津。東皇若爲災民戚。一陣風寒約住春。

白雲仙子 辛酉二月初九日

碧霄鶴唳逐東風。招得仙僊覽故宮。砌石尙餘衰草綠。庭苔相襯夕陽紅。幾人。

詩 詞

詩 詞

六

白髮傷零落。一帶青山獨。啞。峒微借新豐。初釀酒。月明同子訪。漁翁。

馮仙 辛酉二月初十日

習習晨風發上林。朝暎寒冽滿遙岑。春情如水緣猶淺。半爲陰氛蔽到今。
謹按是日未雨。天氣微陰。

李仙 辛酉二月初十日

倦鳥繞枝飛。煙籠月色微。春寒猶未退。不醉莫須歸。

謹按是晚朱君逸馨未歸。僅扶員三人。別無侍者。迨朱君歸時。已撤壇矣。詢之。果在外飲酒也。

余仙 辛酉二月十一日

鸞牽鶴。輕入雲深。衣惹天香。霧未明。聽罷海濤紅。日近迴巒折。嶺卽瀛城。

吳仙 辛酉二月十一日

東北雲生海上山。風霾遮斷玉門關。牛羊逐盡春郊草。牧笛遙聽古戍間。

李仙 辛酉二月十一日

騎鶴何足羨。遊仙曾未閒。心懷太行石。夢遠小孤山。酒敵花千樹。詩情月一灣。將軍纔下馬。莫便唱秦關。

劉仙 辛酉二月十一日

樹密雲深孔雀來。采箋銜得鳳環回。千秋丹詔榮恩典。爲賀仙人大道開。

洪仙 辛酉二月十一日

居近蓬萊景物殊。曉雲紅日拱吾廬。人間失却漁夫棹。惟有桃花得遂初。

胡仙 辛酉二月十一日

上苑聞鶯語。春情繫柳枝。碧空飛曉日。青帝下雲旗。

華仙 辛酉二月十一日

滿地白雲吹上天。狂飈轉海浪生川。飛鳧渡越湘江岸。遙見崇樓湖水邊。

韋陀尊者 辛酉二月十一日

詩 詞

詩 詞

八

寶塵清風淨塵劫。慧鋒明月蕩凡心。雲開現得昆吾像。七寶莊嚴亘古今。

楊仙 辛酉二月十一日

洙泗風徽脈脈存。漢唐文字剩精魂。千秋舊業空魚蠹。百代薪傳燦一門。

玉女侍者 辛酉二月十一日

偶因白荷現芳身。幾歲蒲團道果真。剛去散花羅袖濕。楊枝餘露灑分君。

淨慈尊者 辛酉二月十一日

禪杖揮雲楊枝挹露渡過三千佛。心如故。

宣教尊神 辛酉二月十一日

道傳遺緒溯羲軒。誠正工夫卽妙詮。修已安人兼體用。漫將門戶愧前賢。

淨念尊者 辛酉二月十一日

浮生夢幻心體真。如空中見實真實不虛。

淨意尊者 辛酉二月十一日

念從心起。結在泡影。荒寺鐘聲。蒲團深省。

姚仙 辛酉二月十一日

講學會參最上禪。慈悲恕兩忘言。春來但看花枝發。如此天心豈易論。

孚佑帝君 辛酉二月十一日

說破悶葫蘆。真意誰參透。清風倏爾變。狂飈晴日浮。雲成幻。構海潮。淹沒桑田。桑崇峰。摧落海中央。斯人矇矓酒未醒。醉裏寧辨蒼與黃。繫昔老子出函谷。五千真言演道德。祇令名字在人間。個裏玄玄誰解得。慈悲本是如來心。儒言仁恕在諸經。莘莘學子漫大意。成功端賴研其精。

王仙 辛酉二月十二日

星符飛到不容留。又駕雲軿訪十洲。一道神仙空色相。為憐塵劫幾添愁。

清心道人 辛酉二月十二日

月色溶溶瑞色重重。人天共慶善業豐隆。

詩 詞

詩 詞

劉仙 辛酉二月十二日

風輕日暖彩旗飄。果熟香溫又見招。如此良辰休負却。與君今夜醉花朝。

吳仙 辛酉二月十三日

風送晴窗面面開。春光一半入簾來。百花香慣渾無趣。笑摘靈芝石上栽。

馮仙 辛酉二月十三日

晴向閒窗逗鸚鵡。新詩教唱碧桃篇。歌兒曲曲分明甚。半爲詞人代巧言。

劉仙 辛酉二月十四日

細雨濕春襦。聲聲跳雪珠。應知誠意感。災怨一時蘇。

劉仙 辛酉二月十四日

靜。薰。爐。香。默。契。黃。梁。西。風。斜。日。對。蒼。茫。笑。說。前。緣。閒。思。金。天。淡。雲。微。颺。坐。條。然。

黃仙 辛酉二月十五日

凍雲作雪徧山隈。柳未因風絮又飛。莫道春寒花冷落。昨宵祈雨有文回。

自註云此番春雪。以 帝師力請而得。前呈蓋已代達 天庭矣。
謹按昨夜雨雪。仙詩故云。茲附錄新聞報載紳商祈雨有靈一則如下云。
（王芝祥上將與京兆尹孫振家稅務監督劉鶴慶瑞蚨祥鋪東孟觀侯等
皆係崇奉佛教之信徒也。近因京師缺雨。每見陰雲密布。旋被暴風吹晴。以
致地土較旱。空氣不佳。瘟疫流行。人多疾病。該紳商等。乘其崇奉佛教之虔
心於日前二十二日。沐浴更衣。齊集西直門外覺生寺。恭行拈香求雨之禮。
並率領僧衆及佛教收集之饑兒等一百名。虔誠諷經。次日京畿一帶。果然
雨雪紛紛。雖未透澤。然連日天尙未晴。因此該紳商等。竊以虔誠感應。天庥
信仰佛法。心益堅固。擬仍繼續詣該寺拈香諷經。再祈上天透降雨雪。以慰
民望。而安民心云。）按雨雪之降。原有至理。惟該紳商等此舉。實出現今之
真正民意。乃求則得之。亦足徵上天有俯從民意之誠實確據也。政府對於
民意。能毋作如斯之感想乎。

詩 詞

詩 詞

顏仙 辛酉二月十五日

江柳初黃野欲青。寒風勒住牡丹春。鶴孤清坐桃花岸。不見漁人來問津。

魯仙 辛酉二月十五日

清酒澆詩句。未醒浮雲成障蔽。蕪城鳧蹤不慣人間住。夜夜涼風接太清。

青仙 辛酉二月十五日

如是雲山如是觀。去來江上閱狂瀾。遠帆掛盡歸鴉影。一片寒鐘夢欲闌。

宏教真人 辛酉二月十五日

一夜春寒透牖紗。庭前樹杪盡梨花。吹殘鐵笛聲猶急。料峭風簾怯暮鴉。

自註云吾頃奉 師命以今日社中尙有事務故派吾來會中途覺天氣寒甚頗念無衣者之瑟縮也。

吳仙 辛酉二月十六日

染眼雲山色。色妍蕩人春。颺又翩翩朝來釣石戲。流水笑問游魚可得閒。

紫霞仙子 辛酉二月十八日

絲絲剪玉散春風。月影梅痕逗素蹤。今夕簷前餘匹瀑。淋鈴幾度聽丁東。

桃仙 辛酉二月十八日

雪水煎茶沁冷香。爐烟生幻礙蒼茫。是誰點綴空中色。片片新紅映夕陽。

李仙 辛酉二月十八日

清睡纔醒日過磚。扶筇積雪覓花妍。春風剪就三春錦。水淡巖阿任醉眠。

顏仙 辛酉二月十八日

晴光轉上苑。曙色豔雲峯。幾點烟橫處。髣髴是瓊宮。

碧眼仙子 辛酉二月十八日

大千春色到桃花。點點香塵惱越娃。綠水一泓楊柳遠。貯看雙燕入誰家。

何仙 辛酉二月二十日

日薄西山採藥歸。桃花含笑柳絲垂。鶯語溜燕泥肥。東風得意挽春回。

詩 詞

詩 詞

自註云。調寄漁歌子。

華仙 辛酉二月二十一日

西湖遊罷返京門。春色遲遲欲斷魂。到底江南風景好。杏花開遍綠楊村。
自註云。久未來此。適自西湖來。又與諸子共話矣。

李仙 辛酉二月二十二日

鋤蘭植艾。渾無賴。折柳牽蘿。別用心。飛瀑斷崖千丈練。問誰束住衆生情。

應仙 辛酉二月二十二日

不因酒困却昏昏。歷亂鶯歌柳近門。逐逐春塵斜日遠。花風吹過古牆根。

黃仙 辛酉二月二十五日

春風揚柳線。朝日潔蕪茵。雙燕近寒食。花間來往頻。

青函仙子 辛酉二月二十五日

平蕪草色綠齊隄。宛轉鶯聲恰恰啼。畫舫歸來人意懶。一盞春醉小橋西。

碧環仙子 辛酉二月二十五日

雲影透。迤鶴唳。風山陽。一曲酒初濃。撇開崑嶺。扶桑去。羽化南圖。識醉翁。

余仙 辛酉二月二十五日

蔚藍水。接蔚藍天。萬里春光。扱一肩。淨境新開。杏無著。三千瓊蕊。吐華嚴。

馮仙 辛酉二月二十五日

片水扶舟。渤海東。張衫迎住。北來風。癡花野草。渾無賴。趁得朝陽。頃刻紅。

張仙 辛酉二月二十五日

汨汨泉流。野草花白雲。因日幻。朱霞西山。多少鳴春鳥。漫向田家問。稻麻。

韓金仙 辛酉二月二十五日

一藍花露。剩清華。笑渡東瀛日。又斜半袖金丹。分贈汝。滿壺春色。醉仙家。

曹金仙 辛酉二月二十五日

暗移檀板。唱清微。遊戲人間久。忘歸偏是仙家。渾解事。宮商說與世人希。

詩詞

詩 詞

張金仙 辛酉二月二十五日
醉倒華岡春復春。緒裳漫露汗沾唇。繽紛花雨不潤物。粉蝶衣輕幾點塵。

李鐵拐仙 辛酉二月二十五日

剛來就呼酒。知我涎垂口。世無太白與劉伶。誰肯當筵傾百斗。春風吹花花盡。醉紅泥上。鬢花枝墜。手扶桃花比吾顏。相識春風笑開喙。我來人世豈尋常。爲醉君家綠蠓觴。偌大乾坤無量物。相將拉入醉中鄉。

藍金仙 辛酉二月二十五日

憶相逢在過來時。酒味詩情兩得之。蓬島歲華殊爾爾。可隨春燕踏楊枝。

李偕帝君 辛酉二月二十五日

漫向人間笑。髭鬚崑崙西渡百年鷺。尊中春色尋常有。珍重鶯啼月落時。

宏教真人 辛酉二月二十五日

雲冷黃昏起颶風。海潮凸出密陀峯。行舟莫滯垂楊下。恐有呼聲驚孽龍。

方仙 辛酉二月二十六日

九十韶光一半過。閒尋詩酒自消磨。年年寒食無情甚。添得離人感慨多。

碧眼仙子 辛酉二月二十九日

伶俜孤影暮雲深。早聽鸞歌與綺琴。海上鶴來天欲曉。勸君好向五峰尋。

吳仙 辛酉二月二十九日

來路雲深鴉影亂。晴空飛雪滿江漢。轉眼星斗墮天涯。驚濤沉山日月絆。飛仙

鶴馭隨影落春靄。遙遙綿復斷一聲玉笛。衆鳥散。

小鶴仙 辛酉二月二十九日

翰羽雲飄西復東。偶從瑤島逐春風。携裾仙子渾多趣。戲擲雙鳧幻彩虹。

詩
詞



唱 酬

吳穀人仙師原作 庚申九月初三日

清。泉。繞。石。出。落。花。隨。風。飛。影。淡。月。華。遠。音。低。琴。韻。微。酒。邀。文。士。煮。棋。共。老。僧。圍。道。畔。行。吟。處。秋。痕。滿。夕。暉。

和作 江君字澄

水。淨。天。心。見。山。空。木。葉。飛。閒。雲。依。壑。盡。野。鳥。度。煙。微。竹。影。搖。三。徑。松。陰。匝。四。圍。開。軒。延。客。賞。把。酒。對。斜。暉。

和作 戴君問予

秋。高。四。野。寂。惟。有。雁。南。飛。一。棹。江。流。闊。孤。巒。日。色。微。長。歌。沈。萬。籟。雄。辯。破。重。圍。不。作。歐。陽。賦。清。樽。餞。夕。暉。

和作 胡君勳周

唱 酬

唱酬

宿鳥窺林下。落霞倚日飛。空山人迹少。遠水櫓聲微。屋破牽蘿補。籬疎借竹圍。優游無俗擾。樽酒送秋暉。

和作 梅君通五

燕子纔爲客。南來雁已飛。草深遊屐穩。寺遠晚鐘微。落葉被山骨。秋風縮帶圍。層巒最高樹。留不住斜暉。

吳仙原作 庚申十月初一日

此心是佛。此身仙人。天上人間。各幾年。見性三家。同道體執中。二字守薪傳。自專自用。皆予智。惟一惟精。誰獨賢。多少工夫。到靈澈。成蛾成蛹。看蠶眠。示云。帝帥以唱酬類少佳作。今親命限先字韻。仙年傳賢眠。吾先遵作律詩一章。諸人和來。各須精采。

和作 汪君仲高

詩家才子。酒家仙。小謫紅塵。又百年。救國幾人。中外重治安。一策古今傳。慈

批 汪詩畢竟有點意思
懷取比如來佛。義訓能教繼起賢。富貴何如貧賤樂。名山酣擁白雲眠。

和作 江君字澄

華胥曾謁上清仙。碧落紅塵又幾年。紫府功深開覺路。黃梁夢醒悟真傳。仰
參北斗歡今夕。靜讀南華拜昔賢。莫羨韶光春景好。河山大地一鷗眠。
龍華曾裏大羅仙。醉臥滄江不計年。雲島生芝玄鶴採。月宮搗藥素娥傳。嫺
皇煉石天行健。愚叟移山地集賢。虎嘯龍吟滄海靜。瓊樓貝闕任遊眠。

和作 張君頤伯

廻翔鸞鶴列羣仙。盛會龍華又一年。言是日龍華帝師自化世有如風草偃。修真
况復火薪傳。肩擔道統同尼父。指點牌機等普賢。天外紫峰容我到。紫峯帝師所
居也心清閒枕白雲眠。

和作 張君頤伯
戲詠本社同人

唱 酬

唱酬

孤山放鶴老逋謂林同閉戶袁安臥雪年袁同年履卿桃漲一潭情最篤

汪督察長仲高花開五色筆爭傳江將軍宇澄才思士衡秀逸推詩伯夏殿

伯卿以詩子玉淋漓號草賢此書大草皆王探得驪珠贖鱗爪劉司長嗣伯慈

能丹青猶有李龍眠慶京卿彼山工畫恭繪

批 遊戲之作清麗可誦吾詩益笨拙矣

和作 王君晉卿

未能辟穀學遊仙。索米長安忽十年。妖讖紅羊成浩劫。寶書丹鳳要真傳。逢人最怕呼名字。有酒何須判聖賢。終日酩酊拚一醉。老來常欲廢書眠。

和作 王君秋渠

醒時猶佛醉猶仙。潦倒蒲團年復年。文字應劉新並列。聲名王謝舊相傳。萬緣都寂餘詩債。半世無長號酒賢。白眼看雲無個事。黃庭鎮日許清眠。

和作 丁君朔庚

雄圖開拓侈求仙。露採金莖願假年。黷武未聞三舍避。常明一見一燈傳。座中風雨王尊素。閣上煙雲相進賢。忍視屯蒙生意寂。草堂春夢漫成眠。芙蓉闕會玉堂仙。東箭南金話舊年。一代冠裳權譎盡。四郊壁壘夜驚傳。王孫哀泣輸龍種。稚子能文誤衆賢。安得兵戎杯酒釋。華峰應許白雲眠。

和作 林君耿凡

遨遊敢詔挾飛仙。潦倒塵寰數十年。世境混茫防木朽。道公精一仰薪傳。談經好契丹元訣。立雪方知弟子賢。且盡長安百壺酒。揮毫醉學李龍眠。

和作 陸君建三

滿城秋色屬羣仙。世事黃梁又九年。偶聽龍吟人語急。遙看雁去唳聲傳。時和始見神明治。物遂方知將相賢。一瞬尊榮何足羨。百憂無奈且高眠。

和作 王君采丞

少日岳陽禮醉仙。拍天湖浪出山年。飽經濁世驚濤險。可許金華慧業傳。度

唱酬

唱 酬

六

盡。衆。生。心。卽。佛。斷。除。煩。惱。志。希。賢。願。隨。瓊。島。餐。霞。去。不。向。邯。鄲。借。枕。眠。
塵。寰。何。幸。遇。真。仙。珍。重。流。光。六。十。年。墮。地。幾。悲。滄。海。竭。求。丹。難。得。鼎。爐。傳。觀。
空。粉。碎。原。無。物。閱。世。蒼。茫。只。避。賢。青。史。青。山。皆。夢。幻。何。如。幽。壑。伴。雲。眠。

和作 林君品三

功。圓。果。滿。便。成。仙。跨。鶴。乘。鸞。不。計。年。近。接。靈。光。如。面。命。更。留。文。字。作。心。傳。個。
中。消。息。傳。先。聖。言。外。工。夫。起。後。賢。天。地。生。機。流。不。息。一。陽。來。復。莫。酣。眠。

和作 胡君劬周

前。身。原。是。洞。中。仙。偶。謫。塵。寰。四。十。年。半。世。冠。裳。歸。俗。擾。一。肩。衣。鉢。荷。師。傳。陰。
陽。消。息。通。天。地。性。道。工。夫。契。聖。賢。此。後。優。游。閒。歲。月。深。山。常。抱。白。雲。眠。
夢。醒。黃。梁。願。學。仙。回。頭。是。岸。正。中。年。三。生。緣。會。心。印。四。字。真。詮。口。口。傳。煉。
己。先。須。拋。俗。累。度。人。端。不。讓。前。賢。蓬。萊。有。路。乘。風。去。休。向。邯。鄲。再。午。眠。
逍。遙。物。外。卽。神。仙。不。管。興。亡。不。問。年。道。本。虛。無。空。色。相。儒。宗。精。一。重。心。傳。壺。

中。日。月。消。清。興。洞。裏。烟。霞。識。隱。賢。太。華。峰。頭。有。高。士。至。今。猶。學。蟄。龍。眠。
浪。迹。江。湖。幸。遇。仙。光。陰。逝。水。逼。華。年。藥。歸。丹。鼎。殷。勤。煉。息。落。黃。庭。仔。細。傳。十。
七。世。前。同。證。果。三。千。界。外。更。希。賢。朝。真。醉。罷。瓊。漿。酒。明。月。清。風。伴。我。眠。

孚佑帝君 庚申十月初五日

諭汪君仲高江君宇澄張君頤伯云汝等都來。陷們要作詩。許快不許漫。以仙
為題不限韻。

仙汪君仲高

跨。鶴。冲。霄。落。九。天。天。風。吹。送。到。幽。燕。燕。支。汗。漫。朋。儕。樂。樂。事。賞。心。天。地。關。關。
哉。雅。量。誰。與。儔。太。白。酣。飲。百。尺。樓。樓。高。玩。月。涼。如。水。大。筆。如。椽。驚。神。鬼。鬼。斧。
神。工。造。句。奇。驪。珠。探。得。問。要。離。離。離。禾。黍。故。宮。前。前。路。茫。茫。猛。着。鞭。袖。携。吳。
郡。新。詩。卷。珠。玉。臨。風。萃。筆。尖。

仙江君宇澄

唱 酬

唱 酬

八

批 江子舊有詩名無可議也

下。誰。可。障。浩。然。正。氣。塞。大。千。華。嶽。雲。連。太。白。雪。雪。消。華。月。照。年。年。

長。風。吹。塞。角。聲。聲。驚。醒。世。人。眠。潛。移。默。運。歸。大。化。識。透。幾。微。悟。後。先。江。河。日。

心。本。與。天。心。合。天。以。誠。通。貴。性。堅。清。虛。雲。路。天。人。近。至。仁。至。靜。玄。又。玄。昨。夜。

金。光。閃。爍。護。群。仙。駕。鶴。乘。風。下。九。天。為。救。蒼。生。開。世。運。挽。回。浩。劫。感。桑。田。人。

仙 張君願伯

君。不。見。詩。仙。玉。局。文。中。豪。瓊。樓。玉。宇。秋。揮。毫。又。不。見。酒。仙。太。白。宮。錦。袍。舉。杯。

邀。月。酣。醇。醪。詩。酒。妙。境。皆。仙。境。漫。從。瀛。海。乘。靈。鰲。秦。皇。漢。武。求。仙。不。可。得。何。

如。長。歌。沉。醉。樂。陶。陶。噫。吁。嘻。仙。凡。未。必。天。人。隔。逍。遙。大。地。即。仙。曹。匡。廬。五。老。

插。雲。外。時。有。真。靈。來。遊。翱。蒼。松。白。石。絕。塵。境。俯。視。下。界。何。蕭。騷。人。生。百。年。過。

客。耳。豐。功。偉。烈。沒。蓬。蒿。直。須。拍。手。靈。崖。去。臥。聽。天。風。萬。壑。濤。

黃仙原作 庚申十月初八日

看山閒拄欄邊笏。笑數飛鴻三兩行。靜對梅花無個事。琴絃拂處暗飄香。
示云。此詩清絕。仰諸君依此清調。各和一首。

和作 江君字澄

屋小如舟向曉陽。閒臨晉帖兩三行。衝寒且自尋佳句。吟到梅花字亦香。
青山當戶如牙笏。素月懸空照雁行。小苑梅花初放蕊。動人清興是天香。

和作 錢君幹丞

天際飛鴻都入畫。湖邊枯柳不成行。盆梅已逗春消息。併作爐烟一縷香。

和作 王君采丞

遠樹歸鴉帶夕陽。冰天旅雁不成行。巡檐一笑饒清興。飽領寒梅雪後香。
閒吟空費詩千首。感世惟餘淚數行。靜領焦桐絃外意。半窗涼月一爐香。
批 三君皆詩才清甚。所作極佩也。

和作 胡君劭周

唱 酬

唱 酬

十

高吟讀罷盡瓊章。願列詩仙弟子行。今古賦梅人不少。未如鶴守靜聞香。
 晚來野色半蒼茫。雁過寥天字幾行。閒誦黃庭書有味。不須紅袖夜添香。
 白雲仙子原作 庚申十月初九日
 清興詩成月半明。蒼茫烟樹夢初凝。隔簾鶯喚珍珠子。引得飛鸞下太清。
 示云。請諸君將此始終清詩。各和作三清。

和作 汪君仲高

清光永夜照心明。不受塵埃半點凝。雪後月華清徹骨。心香一瓣答三清。

和作 江君字澄

清虛如鏡境空明。銀漢無聲玉露凝。月滿清霄天宇靜。雲和樂奏拜三清。
 雨霽虹銷天際明。清新景色淡烟凝。疎鐘遙與清砧接。瞥眼秋光滿太清。
 清夜鐘敲月倍明。芙蓉江上露華凝。清風吹送銀河棹。待漏朝元謁上清。
 清夜停琴坐月明。清音一曲韻猶凝。繞看翠竹和烟舞。又聽松濤響太清。

永夜清樽醉。月明不堪回。看晚烟凝。清才可作。凌雲賦好寫。青詞獻太清。
清秋木落晚霞明。碧水籠烟露氣凝。何處清鐘敲夜月。滿天星斗盡澄清。

和作 袁君履清

清華水木月初明。清興蕭然意味凝。酒醉百壺詩百首。立朝不讓宋河清。
秋水長天一色明。清光旖旎晚烟凝。瑤琴漫奏湘靈曲。清夜心香爇太清。

和作 張君頤伯

清虛瑤闕月華明。清祕琅函至道凝。仙骨有丹凡骨換。徐戡何幸遇欒清。
三清宮闕氣清明。玉液初溫內密凝。數點梅花心悟徹。地天得一盡寧清。

和作 林君耿凡

清光一片鏡常明。清氣幾微至道凝。參透菩提聞妙諦。坐看禪院露華清。

和作 鄭君樸孫

清空無礙鏡常明。圓妙端由道力凝。行化東來緣已熟。海壖會見闡三清。

唱 酬

唱 酬

孚佑帝君 庚申十月十二日

諭云。我昨過邗溝。見隋煬夫人蕭氏。泣求超度。我云。夫人舊能詩。請作聯。我爲代求南海也。夫人應聲曰。玉埋深幾許。無人問消息。漢月長門閉。隋宮短景寂。願挽紫峯人。爲妾道凶吉。哈哈。蕭夫人泉台幽埋已千餘歲。尙有文如此。果何故。請江君及諸生之能文詞者。各作一詩。以明果報之真也。

江君字澄呈七古一章

隋皇創業何英武。掃盡羣雄一土宇。豈知仲子豺狼行。變起宮闈仇視父。窺竊神器同鏡梟。窮奢極欲夜繼朝。大興土木長河掘。暴行那計萬民勞。蕭梁有女初長成。選入東宮椒房榮。婉儀坤順稱淑德。景仰太姒姜后行。爭奈君王不納諫。徒使妾心空懷眷。述志文中表素心。履冰之漸象已見。將帥離異士懷疑。怨君失德倒戈旗。宮婢陳言伏劍死。嗟哉大業卽時墮。王孫被擄迫宮妃。滿目旌旗事已非。流離轉徙山東道。知機曷不早防微。隋家事業早成。

塵。蕭。后。埋。香。邦。水。濱。霧。鎖。雲。封。塵。埋。久。泣。求。壽。佛。問。前。因。泉。臺。寂。寞。千。餘。
此。中。幽。怨。誰。爲。解。夫。人。業。緣。意。云。何。業。盡。緣。來。渡。滄。海。

唱
酬



善 業

救急會之緣始及歸併本社之概略

救急會原非本社所創辦。先是劉嗣伯周通甫兩君。因年來外省亂事紛紜。北地連年災歉。而京師百物騰貴。所有一般貧民。度日非易。其本京旗民。向恃旗餉爲生活。依賴性成。值此財政困難。不能按期發餉。因之典賣淨盡。謀種種之短見。其各界由外省來京。覓親訪友。以圖餬口者。往往奔投無門。以致窮途乞食。多作異鄉之鬼。此種情事。時有所聞。各報登載。極可憫惻。劉君爰請周君親往調查。更有甚於報紙所載者。初由劉君一人担任捐款。隨時救濟。嗣見報紙登錄太多。而順天時報。專有貧民寫真一欄。日必數則。與其一人担任救濟之力有限。不若聯合同志集捐。廣爲施予。較爲得計。庚申孟春。乃設立救急會名目。但不向外募化。僅由熟人中量力捐助。以杜流弊。庚申四月。本社完全成立。

善 業

救濟會之緣始及歸併本社之概略

善業 救急會歸併後之計畫

移入松樹胡同。辦事各有專責。社中各種善業。亦次第進行。劉周兩君以是會僅少數人集合。恐不足以資永久。爰提議歸併本社辦理。以宏力量。均各贊同。冠以本社字樣。仍留舊日之組合。名曰悟善社救急會。是爲本社善業之一種。

救急會歸併後之計畫

本社向來附設有貧民救濟會。專辦各種善業。卽如收留難民之棲留所。貧兒院。教養院。各種工廠。莫不積極進行。不半載而成效著。其餘如養老券。施棺木。發給棉衣褲。米麵票。及零星救濟。均逐漸增加。大有事務紛繁。難以兼顧之勢。庚申本社辦事規則改組。曾設立救濟專部。故每有報紙所登。或自行出請調查者。必須彙齊再查。而迫不及待之貧民。奄奄垂斃。不容有輾轉之時間。劉君嗣伯與周君通甫談及。救濟部事務紛繁。應如何分擔。以便貧民。正在室中商議。並未叩壇請示。不料神已聞知。忽奉 宏教真人諭。即劉君 正覺。即周君 二君所辦隨時救急之事甚善。可卽遵 帝師命。將焚修費餘款收用。以期實惠。

及人宜敏宜捷。是爲至要。蓋因急切不及調查。非廢調查不用也。各盡其長。可已。救濟部之事。其大者緩者。救急會之事。其小者急者。兩不相妨等因。至是救急會與救濟部之權限性質。乃劃分爲二。各負責任。凡遇迫不及待者。立即周濟。貧者稱便。每屆月終列表。報告於神明。以昭核實。

糧食救濟會始末記

是會另設機關。非完全爲本社所辦。而實係本社發起。由社員奔走呼號。歷盡艱辛而成者也。庚申春夏間。無雨成災。加以近畿一帶發生戰事。交通梗塞。九城全閉。米源斷絕。糧價飛騰。幾有岌岌不可終日之勢。據農商部糧食調查局。查得京城內存儲之粗細糧食。以合城人口計之。僅敷供給兩旬而已。本社同人。以民生爲念。杞憂方殷。爰叩於神明。奉諭。關帝。岳帝。及孚佑帝君。皆懇奏。天庭。俯恤民瘼。汝等速籌勸導之方法。盡財盡力。以人挽回天心。庶可化險爲夷等因。本社同人參悟。神諭。籌思所以勸導之方法。僉謂僅以

善 業 糧食救濟會始末記

四

悟善社三字標題。範圍太狹。財力有限。曷若另組一會。請求當道。邀集官紳商各界。提議救濟京師被困百萬生靈之糧食。庶題目較大。易於號召。於是分別進行。以社員袁君履清爲尤出力。尋組織京師糧食救濟會。於中央公園開會討論。到者數百人。公推江君宇澄爲會長。王君鐵珊袁君保三爲副會長。江王皆本社社員也。彼時各界慈善諸君子。踴躍輸助。湊集巨貲。計收入四十三萬九千七百數十元。然款項雖可籌集。而米糧轉輸不便。復與美國青年會聯絡。於是派員赴兩湖江浙等省購米。並由青年會員協同出京往來輸送。藉免沿途軍隊之留難。迨戰事既起。從前米價每包值十元。上下者。陡漲至十五六元。富戶且惶恐不勝。矧在貧民。有不致嘆粒食之艱者乎。幸救濟會所運之米。逐日到京。分設平糶局十餘處。曰四郊平糶局。曰玉清觀平糶局。曰砲廠平糶局。曰鼓樓平糶局。曰南灣子平糶局。曰西直門平糶局。曰城隍廟平糶局。曰德勝門平糶局。曰西山平糶局。曰萬壽山平糶局。曰圓明園平糶局。曰健銳營平糶

局。曰藍靛廠平糶局。曰三家店平糶局。曰通州平糶局。各該局所糶小米斤數。共七六三五一九半。所糶白麵斤數。共一九二一八九。亦可謂巨額矣。又會同順直助賑局。散放京畿一帶十縣急賑洋四萬元。又施放棉衣二萬三千套。又加放滄縣鹽山縣春賑二次洋一萬元。近畿一帶兵燹餘生。及旱災窮黎。得以苟延殘喘者。未始不由於此舉。此因各界慈善諸君子惻隱之懷。足以挽回天心化險爲夷也。而速籌勸導方法。實由於 神諭所迫促。茲謹記之。

善

業

糧食救濟會始末記

善業糧食救濟會始末記



記 事

辛酉三月初一日

華仙降

雙鶴。倒來。墨迹。饜。同舟。李。郭。舊忘。形碧雲。如洗。天階。淨。捧出。龍華。五色。經。哈哈。哈哈。學玄與郭春谿君。均辛苦了。汝等昨夜到耶。此次專誠送經。亦大功德也。謹按學玄即李君海荃也。李君與郭君由濟南道院。恭送。太乙北極真經。到社。故。華仙優獎之。同舟李郭。謂海荃春谿也。雙鶴銜來。謂二君同來也。捧出龍華五色經。謂其送經也。

存。經既遵。諭送到。俟星期日。帝師親臨。面領。訓詞。真經先飭悟得。驗收保。

記 事

記事

二

又諭李君學玄云。汝在濟南。念念不忘本社。諸員中如汝者。寥寥無幾。平素爲人。已極忠信篤敬之道。皆由侍我最早最誠之效。今在魯省。苦口熱心。勸化多人。吾每來社。見發行魯省靈學要誌。全係因汝之力介紹。卽此一端。足徵誠信。社員對於靈學要誌。未有如汝之注意出力至此者。蓋靈學要誌。必須多勸人。凡見是書者。皆能感動。由一而十。而百。推而至千萬人。其最初實一人之熱心毅力勸導得法耳。汝在濟南。力行許多善功。吾嘗與諸仙談及本社社員。若得人人如汝。何患靈學光明不數月間。便普及大千世界耶。卽如郭君謂春然君設非汝介紹靈學要誌。何能今日與本社結此善緣。此卽明證之一也。

又諭郭君春谿云。汝雖甫來。而信仰本社之心。已在去歲初冬。數月於茲。篤信弗倦。今日之來。實可償汝夙願也。汝與學玄同爲信道最篤之人。學玄已爲本社得力弟子。汝亦有意乎。後日正會期。可呈明師座。特准入社。以示優待。

哈哈。今日奉命勸郭君入社者。欲其與學玄同在魯省。發行靈學要誌。以期

竭盡勸化之力。將來尙有重任付託也。

謹按本社所刊靈學要誌一書。帝師非常重視。李君學立。在魯省代本社勸銷此書。竭盡心力。洵屬難得。上年臘月。帝師奉命在天闕校閱人間善惡簿冊。曾見都城隍奏牘。知人心近漸向善。靈學要誌頗著功效。茲更獎勵學立君發行之功。並勸郭君同盡勸化之力。仰見帝師苦口婆心。實欲由一而十。而百。而千萬人。以至無量數也。惟學立君暢銷此書。並未具表報告。而帝師卽已知之。神靈在上。罔弗燭照。吾人言行舉動。因難逃明鑒。可不畏哉。此後李郭二君勸化大功。日進無疆。定可與本社靈學要誌同一發展矣。謹爲預祝。

辛酉三月初二日

吳仙降

諭諸君翼真云。汝今晚何逸豫至此耶。今來足見善緣。帝師及諸仙。每欲與

記事

記 事

四

汝痛談。奈會期人多事繁。不果。今吾正欲與汝暢談。奈明日真武祖師誕節。今夜須往朝賀。不克多留。今晚汝可靜練內功。目觀真武祖師神像。時間能久。自有好感覺也。

唉。哀哀。火災雖由人之不慎。亦有因果存焉。諸子可偕往院中一觀。當又添許多感喟也。

謹按是晚為學扶之期。同人正在社內侍壇。忽吳仙示以火災。爰偕往院中一觀。見東南方紅光燭天。細為查詢。始知天橋大火也。

情覺

謂周君道生

明日假滿。何尙不至。着愛覺

謂陸君建三

即行去電。令其偕正覺

謂周君通

甫速來

辛酉三月初三日

宏教真人降。

吾奉命來。以帝師今日不能降臨耳。

趙君鶴舫默禱問事

因因又如此。明明莫遲誤。若信東來人。捧得葫蘆破。

廉君景劉問事

汝孝思甚篤。帝師甚嘉許。此事有不欲明示之處。非忘之也。汝但勤善。福報自達冥間。此時不必問也。

屈君曦問事

津陽馬足逐春塵。迢遞蓬山咫尺迎。牛首鳴渠扶直上。此中果卽此中因。訓趙君伯愈云。十里楊枝二月春。橫塘陰雨逗芳塵。角巾莫側狂夫帽。一斗流霞近赤城。

諸君公冽默禱問事

要在實實虛虛而已。暇日再示。

辛酉三月初四日

記事

記 事

黃仙降。

春立兩君都在此耶。

謂李君學立
郭君春谿

明晚可再來。有事相談也。今日社中為何不

潔致。神人靈光不能相合何也。唉。人生萬惡以何為首。今日○○來社。到處

戲侮。蓋此人夙業本重。近年淫業尤大。今日來社。全院為之腥穢。至此時猶嫌

其濁污也。噫。可歎矣。可即撒乩。

謹按人有隱惡。難逃神鑒。其腥穢竟濁污全院。歷久未散。因此立即撒乩。吾

人一言一動。固宜栗栗危懼。勿謂人不知。而可為。勿謂鬼神虛無。而自欺也。

辛酉三月初五日

何仙降

守誠學立。兩君來耶。

謂郭春谿李
海荃二君

前日進呈

太乙北極真經。着道彝學復悟

慈悟得四人。先行敬謹勘讀一二遍。在社內於潔靜處密讀。靜心參悟。讀後呈

請。帝師核示。但四人祇准閱兩本。另給悟真一本。餘仍保存。勿褻切切。

朱君逸馨請示可否現時勘讀 太乙北極真經

悟慈何浮冒若是。此時豈勘讀時耶。何不慎重。乃爾。汝於吾諭。須仔細領略。汝內功雖好。遇事每不能沈住氣。此後當痛改之。經須於無人時。密室內讀之。讀時。二人不許研究。不許談笑。讀後各抒所見。於暇日呈請。因有關係也。俟將諭給各人。方許宣佈。

又諭汪君守道云。汝既入社。吾有十六字贈汝。積德。修仁。盡心。盡力。外慎。內勤。毋忝厥職。以免污瀆。勉之。大凡人神相應。卽是至理也。

辛酉三月初七日

李仙降

張嘉錫默禱問事

青山不遠。酒旗颺。莫說鱸魚在故鄉。消息東風春半老。桃花深處問漁郎。
訓楊君玉堂云。夏時制度。漢衣冠。國是全憑玉筆端。風雨燕疊春又暮。伊川感。

記事

記 事

觸。正。花。殘。哈。哈。君。熱。心。毅。力。大。才。榮。榮。將。來。洪。惠。及。民。及。國。遠。矣。望。更。自。強。以。襄。本。社。勸。化。善。業。今。風。頹。俗。偷。人。心。麻。木。非。能。言。能。文。無。以。激。勸。而。興。發。之。矣。訓。沈。君。衍。青。云。密。密。花。陰。杜。宇。啼。尋。春。只。在。竹。橋。西。零。紅。斷。綠。東。流。水。髣。髴。三。生。尙。未。迷。哈。哈。勉。爲。善。

陸君建三默禱問事

慧。智。因。緣。珠。宛。轉。歡。娛。心。事。玉。溫。柔。子。平。應。識。韓。侯。志。漫。說。王。家。坦。腹。儔。君。積。德。多。自。獲。報。勿。謂。天。道。無。知。也。

江君宇澄呈獻供品

哈。哈。何。厚。餽。也。不。敢。當。謝。謝。我。輩。朝。餐。白。石。暮。雲。母。飢。飮。沆。瀣。渴。石。液。那。得。人。間。珍。與。羞。醉。倒。尊。前。長。此。日。哈。哈。還。須。酒。耳。哈。哈。得。毋。笑。我。饕。餮。乎。一。飲。一。啄。莫。非。前。定。此。亦。數。耳。賜。梨。五。枚。懷。歸。分。啖。以。答。盛。意。

李君竹安問事

何悄悄也。謹慎無咎。

辛酉三月初八日

方仙降

虞君迪人因母病請假歸省

天半雲痕濕。江干柳線柔。一帆風助汝。去去送歸舟。汝不必心亂。速去速來可也。

又諭虞君云。汝何必心亂至此耶。太乙北極真經可賜給一本。以祓除不祥。須敬謹珍藏勿褻。

辛酉三月初九日

白雲仙子降

道弊學復二君。今晚可多留一刻。待文畢再暢談些時。

謹按是日。白雲仙子降臨時。方撰文。恐二君先散。故預留之。道弊即鄧君

記事

記 事

十

孝先學復即戴君問予。時鄧君窮困京師，將謀南旋。嗣文畢已夜深，爰與談境況。語極恢諧，文章憎命達，非特白雲仙子有同慨，亦千古文人所同慨也。

文人寸心千古。吾於二君有同慨焉。哈哈。道弊君。吾聞之豐於文者，嗇其遇。君近來似有不豫色。然者豈猶有逐貧賦耶。吾固貧，愧無以解子憂。然相對談文，而窮神吏時時窺伺其側。文章憎命達，曾不知一至於此。吾欲放之窮鄉，俾有窮氏之君，罰其三百年苦工，永不與文人謀面。君以爲何如。哈哈。學復汝不要笑。（時學復君在旁微笑）汝亦窮措大，世無知者，誰肯以十萬貫塞破桑維翰的屋子耶。阿堵物胡不仁，不近寒士，近貴人。貴人假汝作威福，欺人欺天，肆淫毒金珠泥沙視等閒。問舍求田，誇穀屋。文人文章不值錢。比年旱災，荒君之硯田，欲向貴人謀一飯，名刺在掌心，茫然吁嗟乎。心茫然，口訥不敢說，但看貴人訕訕之聲音，顏色哈哈一笑，吾去也。

余仙降

悟得今日南回甚好。(時虞君迪人南旋)伊母高年久患此病非好好醫治難收痊愈之效。惟伊家祖德尙厚並在吾社辦理一切善業。吾必默佑伊母。暫無大碍也。

辛酉三月初十日

孚佑帝君臨

今日諸新入社者甚多。半皆未受道要教育。現以勸化爲最要。若大人皆熟於善理。自可一人勸十。十而百。百而千萬矣。本社所以多收弟子者。意在命諸新入社者皆來勸化耳。治平之本。卽於此基之焉。今日講論期也。濟真悟真講陰陽勸世諸文。要引證時病俗敝。方可救時醫世也。若泛言則少功效矣。

濟真講覺世真經悟真講陰陽文鎮覺講太上感應篇畢

所講尙切。慧依再代吾宣講一段。諸人靜聽。

記事

記 事

十二

慧依講金經不住相布施並具表發願年納善金

普照尙未來耶。命其速來講經。

諭慧依云。子夫婦今日偕來。吾心甚喜。子對於本社社務。極力贊助。且能深體吾勸世之心。特捐要誌經費。雖功德仍屬於子。而其關係於本社者。其功最多。故吾前次特准汝婦入社。並爲之牒所司。增其紀算。職是故也。今覽汝表。發具宏願。年納善金。尤見好善之心。過人一等。誠能如此。何患福之不增。殃之不滅。經曰。天道無親。惟佑善人。子夫婦勉旃。但吾不欲汝婦常來此社。然汝之誠心。又不可却。且吾尙有勸化婦女之宏願。方欲借重汝婦之才德爲天下倡。又何能不隨時晤對。吾現躊躇一策。不知賢夫婦肯贊成否。意欲假君宅設一分社。專爲女弟子指受之地。因此間房屋偏窄。既不能容多人。又男女混同。恐來外界蜚語。故不得不如是耳。

陸夫人默禱願設分社

哈哈。賢哉。一切辦法。着會同擬定。大約每月會期。至多以二次爲度。
哈哈。且先問事。

玄機慧濟請各賜 太乙北極真經一本

所請照准。惟此經玄妙。不可輕易看過。尤不宜隨意揣摩。致躐等而生出別種
弊害。此所以不輕令人閱看也。慎之。

汪君叔芾請假回南

汝根基厚。亦無甚失德。暮景尙足優游。毘陵風月足平生。檢點貽謀更業成。秋
圃清光耐消受。沉沉花信問牛庚。

普照和尚遵 諭來社講經畢

所講頗有中肯語。

江君亢虎默禱問事

君非○○耶。試靜觀吾像。哈哈。提劍何人好。身手南箕北斗哆。其口太平洋面。

記事

記 事

扼。橫。流。青。紅。盡。處。休。回。首。狂。歌。莫。過。燕。王。市。慷。慨。荆。卿。刃。不。利。中。宵。試。探。避。秦。
人。何。處。漁。舟。藏。水。涘。輕。騎。款。段。將。安。之。太。行。巍巍。掘。靈。芝。風。沙。此。日。征。途。客。一。
笑。相。逢。認。阿。誰。哈。哈。君。聰。明。過。人。吾。甚。樂。與。談。但。所。問。○○。吾。不。能。決。君。疑。耳。
辛酉三月十四日祈雨

胡仙降

諸生誠心珍重祈雨。但一須誠。二須法也。恭將 帝師法幔捲起。大衆誠心恭
禱。人人皆心存雨後救濟無數家口之至意。懇懇切切。一念勿散。盡人皆然。聚
精會神。便可邀准。

諸生誠心可喜。惟尙有手續。先拜表。將所擬表於院中望空焚之。以表灰飛入
雲端爲上達。

唉。天心難回。君等誠心齋戒七日。來社禮拜。或有效耳。唉。在災難數者甚多。欲
以君等數人誠心救之。其不易可知矣。茲奉 帝師命。諸生凡列表者。須十分

虔潔。以誠恪格天心。吾當代訴下情。哀乞 上帝。汝等其敬畏勿違。切切。
今日專誠祈雨。諸事不辦。不虔潔者。速自請假。如視兒戲。難逃 天罰。其各凜
之。諸人靜息。以待後命。

辛酉三月十五 祈雨

楊仙降

君等可謂誠矣。帝師有命。每日命虔誦 玉皇本行真經一卷。諸人誠敬來
社禮拜。不得始勤終怠。並飭社役。毋得穢褻。
每日諸人來社一次可也。此次求雨。純恃以人心回天心。誠之至斯。感應。若少
有懈志。則不驗矣。列名諸君。其各慎之。
今日仍諸事不辦。案前香燭不滅。

請示誦經之法

一卷卽一遍。懺可免拜。但恭誦 尊號可也。一氣誦不完時。卽分卷誦亦可。

記事

記 事

辛酉二月十五日晚乩祈雨

韓仙降

雨之不能降。有由也。昨 帝師向吾輩語。據 天關消息。並非 玉帝赫怒。帝曾再勅雨部。據回奏。下方業氛太重。釀成旱颶。塵劫阻障。雨難至地。孽由人造。仍須大多數悔過自懺。方可消旱。迺澤云云。是知非一二人所能感格。亦非上帝所能憫救者也。惟本社諸生。究係此大多數中之分子。既已發願誠求。卽難阻其向善之路。且安知不由此漸感覺此大多數人。銷此浩災耶。故 帝師仍任諸君進行。當以勸化世人。速自回心爲要法。

此事須心存雨澤。立時降下。民康物阜太平。心中無限喜歡。方可有效。天和皆由人招也。

孚佑帝君臨

我不意汝等有如此誠心也。吾屢試諸人。諸人向未有離心。用是吾頗慰。要之

善能化人。切須盡力。

韓仙示 帝師適與兩師商。而箕伯準天律作難。帝師以惻念災民。種種婉詞勸之。似不如前固執。明日照今日祈禱。或有先兆矣。今日諸人甚勞。宜早息。凝神靜慮。以備明晚竭誠祈禱。

辛酉三月十六日祈雨

楊仙降

災劫重重。豈 帝心。世人過惡。未全輕。慈悲空有。流亡慟。自度金針。暗付君。諸君勿求急效。一誠不貳。天心或轉。昨日 帝君再上 玉闕面奏。似有俞允之意。及覽天下總巡查使表。謂中原以北各省。去年旱災最甚。饑民苦不堪言。而猶富奸商。方幸災樂禍。賑員漁利。暗欺天人。在在情形。殊堪痛恨等語。因是帝覽之下。深爲震怒。當將表交 帝君考閱。並諮意見。帝君以此表所奏各情。均係實在。極難啓奏。嗣奉 諭旨。諸富商等乘機取利。不畏天罰。實屬萬惡。

記事

記事

十八

應先確查其人其事。分別定罰。最以此方人心過壞。善良太少。仍飭諸刼下界。分布去年災刼之地。以示懲警云云。帝君會同諸仙商議。籌畫救濟之方。特邀請各 大金仙親赴南海。懇 菩薩設法。請於 上帝。以救此方人民。並傳諭諸君。前日焚表。均留中未下。今日表上亦恐無效。候菩薩請後。如何諭知。再作區處。惟誠心萬不可懈。卽仰諸人敬謹遵行。餘候晚間再示。

辛酉三月十六日晚乩祈雨

何仙降

費去工夫。爲衆生衆生。醉夢尙沈沈。菩提肯把楊枝水。化作甘霖潤物勤。哈哈。兩尙未降。而諸人太勞。諸人敬謹不怠。所格多矣。宜 帝師奔走南北天。未肯一息暇也。汝等勿怯。此功已不小。哈哈。誦經者亦有功。明朝且添派人誦。以真經能消一切刼也。 帝師自南海邀請 菩薩同詣 玉闕。尙未退朝。但傳諭諸人。仍如前誠禱。並云刼徧千里。而祈禱僅此少數人。何士大夫之憤。

饋也。

孚佑帝君臨

汝等誠心所感。吾故不惜奔走。今又在。天闕懇求。汝等惟誠惟感。天衷自佑。表章雖切。終屬虛文。恐萬一不符。天威難測。多言不如少言。蓋。玄穹崇尚質實。忌過情耳。諸生固屬由衷。難保始終如一。倘或一人偶渝。是戲。天也。罪何可測。是以務須鄭重。吾與二三子相處久。寧可求雨不獲。不忍使諸人或有冒昧之咎。汝等將白紙來。吾親書勸善文數則。汝等實力奉行。卽以此勸善意作表達。上蒼自然由衷之語。可邀。天眷。扶用二人。汝等靜肅。吾書之如左。人須自立。更須自愛。倘不能自立。便隨俗。沉浮不能自愛。則利慾熏心。智昏而反受其害矣。數十年後。必自受其效。其子孫幾自絕。是以積財而不善守。財自亡也。故曰。善者財之基。善者散財以積德。德厚財仍聚。其得其失。是猶取之中府而藏之外府也。富者當知之。罪惡之大。以乘人之危。爲最。扶者無力。可各休。

記事

記事

二十

息。

謹按罪惡之大。以乘人之危爲最。以下似有煌煌大文。以警薄俗。惜寫至此。忽諭云。扶者無力。遂命休息。此後亦無續示。

辛酉三月十七日祈雨

黃仙降

輕風逐絮。餞春光。百五鶯花空自忙。一照滹沱河裏。月三分。清白七分黃。諸人今日。但須誦經。帝師於下午降臨。

監經葛真人臨

鶴裳晴日射。鮮明啞啞烏啼遠。客程滄海欲枯。龍尙嬾幾分雲。雨滯巫岷。

吾奉帝君之命到此。以諸君發誠心祈雨澤。誦經須要十分虔潔。故來監視。帝君八時降臨。諸君且先誦持可也。

張仙降

帝師約 關帝同臨諸人恭侍。

桃仙降

催風出汗漫林薄。有零雲鳩啼山樹。密棠棣紅如焚。隔岸望青野。枯草綠未勻。農人倚耒耜。長歎何所云。似言秋不收。春期騫耕耘。不得生活謀。還愁課租勸。此苦天未知。何法醫吾貧。仙心本無碍。爲此念紛紜。安得王子喬。飛章叩帝閭。哈哈且敬候。

盧仙降

慈雲覆仁宇。法雨沛善根。天公何愛憎。人心召其源。敢乞慈悲佛。革洗俗世不良俗。敢乞度人仙。廣布祥幡滅淫毒。天心人心同。此至仁。何來水旱何刀兵。安居樂處永無疾。苦何有天堂。何淨土。求在己。受諸天。蓬瀛擴爲九萬里。佛域普播三千而大千。噫吁嘻。三千大千且勿論。請看當場之人情。此勸善道情。非詩也。

記事

記 事

王將軍降

孚佑帝君臨

伏魔大帝漢壽亭侯關臨

漢水湯湯入大江。河山邈溟淡夕陽。哀哉離亂滄爲桑。世無堯舜誰與臧。銀河耿耿渡無梁。春風桃李空芬芳。秦皇暴虐餘毒長。人民怨恨逃遐方。祇今桃源陳迹在。漁夫迷棹徒懷想。哈哈亂世何地避秦。望桃花亦作漁郎想否。孚佑心極慈悲。每逢世劫。必多方救之。年來災劫。古所希有。救之道。端賴二三善良。倡道仁義。推崇道德。設不如此。天心莫能回也。帝君昨爲余言。此間望雨甚切。而天方震怒。奈何。當時余亦聯名具奏。乞沛洪澤。敬奉諭旨。派余蒞臨此地。實在查勘。覆奏後再核辦。帝君以便道邀過此社。屬察汝等誠意。故來此耳。

孚佑帝君諭

大帝此來係奉

玉勅查察前日總巡查使表中所報情形實

在與否。並監察人民有無懺悔之心。以爲災劫範圍之準。吾之所以請來此社者。欲懇其將汝等祈禱之誠。代訴於天闕耳。汝等數人誠念已蒙大帝鑒及將來如何須候。天飭吾與菩薩。尙不能卽許也。大帝奉旨不能久停。諸生恭送。

唉。由毅心而生毅力一語。玄機之宏願也。吾今始覺行之不易。倘能人人如是。於天下事。何有惜乎不能也。諸人不患無其始。只患無其終。不患無其心。只患無其力。苟始終如一心力交盡。則白刃可蹈。金石可開。惜乎不能也。社中人數不少。而能堅持不懈者。亦尠矣。又何責乎社外之人士大夫。非不讀書。非不明理。不誤於利。卽誤於名。又何怪乎下焉者。國家之敗。由官邪也。今在位者。競利攘權。欲天下之順應得乎。勿謂報應爲迷信語也。試問以私利相尙者。猶能獨享其成乎。猶能和衷共濟乎。孟子所謂不奪不蹙也。古聖人會此而言。彼非不愛利也。亦非其智下於今人也。實以恃人者必恃。出奪人者必爲人奪也。唉。今

記事

記事

二十四

之從政者。胡昧於此義耶。此次災劫。倘不減輕。吾恐富貴者終不得獨有其富貴矣。吾極嘉諸子誠心。故不惜苦口婆心。以促成善志。諸子將來必有在位者。當以吾言爲天下先也。

辛酉三月十八日祈雨

余仙降

清流撥。權向東瀛。藹藹雲山新潤。青爲是瑤宮。濕花雨。幾分分別。玉壺冰。

謹按是夜京師果雨。東城較大。至次日上午九時止。故仙詩云云。

諸君知此雨所自來乎。昨夜帝師請諸關帝面奏玉皇。玉皇鑒君等至誠。恐不允所求。有阻爲善之志。特准三聖所請。將此方災劫減輕。可爲君等賀矣。帝師常言誠能格天。善能救劫。此次特蒙俞允爲君等而減輕一方災難。尤足見誠與善之效矣。蓋誠善利於一己之效易。利於他人之效難。若因而溥其利於一方。則尤難也。設非至誠大善。不足語此。今以少數之人感召。

而獲最大之效。豈非君等之誠之善。可以質諸鬼神乎。尤可賀已。然 帝師日來亦罄其心思。不惜奔走。既教君等祈禱之法。復請同諸 聖乞求 天闕。昨日之來（謂昨日 關聖帝君降臨）其間亦費許多周折。可知其用心之苦矣。帝師獎進君等爲善。頗樂爲之。曾不厭其煩。猶是度人救世之初志。諸君不可不知。

張仙奉 命降

帝師傳諭諸生。此次祈禱。已蒙 上天鑒察。得允減輕災劫。着於今日虔誦 玉皇經大悲咒觀音經明聖經各一卷。以答 神庥。至於雨澤未徧。自有 諸聖奏請。以後不必再瀆。諸人竭誠數日。應稍休息。以養復元神。

謹按此次本社祈雨半月之久。今甫得雨。尙未酣足。既已奉 諭不必再瀆。遂於是日截止祈禱。 師諭雨澤未徧。自有 諸聖奏請。至下旬二十五六等日。果接續大雨數晝夜。蓋人雖不必再瀆。而 神仍殷殷奏請也。二十六

記事

三十六

日本社開乩。諸仙皆未降臨。惟宋仙示以他仙今皆在空中。各有職任。此次多仙侶司雨。與平日不同。既不能分身。且有其他減災事。尤極忙碌云云。

辛酉三月二十二日

宋仙降

諸仙皆在天闕有要務。不能降。大概因減劫事。諸君祈雨。四方皆有微澤。並得減輕災厄。誠難得也。後自知之。

瞿仙降

周王深澤。及枯骨。天佑慈仁。後裔懷莫道。狐狸埋且狐掘。荒煙蔓草。亦堪哀。唉。昨南城一帶。孤魂野鬼。泣稟稱墳墓被人畜踐踏。骸骨有不保者。願乞慈仁庇護等語。茲奉帝師命。著派員向南城內外調查。有棺木損壞屍骸暴露者。速爲掩埋。以卹孤鬼。

孚佑帝君臨

賀得霖呈捐助勸化刊印各款一千元

照轉所司增福免侵

呈女分社暫行簡章

此章首條宜曰本分社以宗教勸善懲惡爲宗旨推行家庭道德而去其過當狂謬行爲及邪說以濟物利人輔世愛國爲目的而促其正當之自由行爲以爲家庭教育之社團也意如此仰陸女弟子善爲措詞

周君通甫銷假

汝數月未來社諸雜務頗感不便今好自供職所賴正多前逾期甚久係不得已吾不怪也

李君盛銜問事

惟善而已惟實行而已前生冤債已償後路但盡心於善無大災也

記事

記 事

二 十 八

李君盛銜叩問子病

唉此債恐尙須還。子但竭力盡心。向關廟帝君廟及地方尊神廟中誠禱。許爲救濟事業若干件。金經及勸善書施送若干卷。不怨不尤。從此一心爲善。終身不貳。庶可挽回。於家中竈神前許作一千或一萬善。如淨意公故事。當有感應。或夢示。是惟在子之誠心耳。藥亦無效。不必強求。

訓景君聚五云。半世紅塵裏。一身白浪中。但勤修持事。保子涉狂風。訓張君季忠云。涵水復涵煙。月明華表前五夜。一聲淚霜鐘。到遠船。訓韓君玉堂云。幾回失足來。今日上瑤臺。勸子心須盡。長空雲霧開。

趙君廷炳問事

但爲善。自無碍。

田君章燕默禱問事

舊夢只有芭蕉知。前途還問鸚鵡兒。親人江海春寂寂。善能迴天須勉之。

田君章穀默禱問事

思念果何益。大善可格天。但勤利濟業。所思近青蓮。

許君恩冕默禱問事

鸞凰幾日不同栖。五月江城雨色淒。莫漫宋村尋月姥。因緣舊是畫橋西。杜牧之約勿誤。綠葉成陰。卽何益哉。哈哈。寓言須知。

周君英杰默禱問事

誠卽有效。更何疑哉。惟在一誠而已。

蘇君理齋叩問可否赴鄂

但守定宗旨。雖蠻貊之邦行矣。

辛酉三月二十八日

宋仙降

此人卽所謂慧真耶。哈哈。久仰久仰。青驄。勒雲。霓。駿骨。殊。凡。俗。仰首。青天。外。矯。

記事

記 事

三十

繫。起。風。突。蕭。蕭。萬。里。鳴。挺。挺。千。古。骨。世。間。少。伯。樂。空。嗟。歲。華。忽。神。存。貌。可。遺。致。遠。豈。在。足。煙。雲。浩。漫。漫。良。遇。惟。後。覲。勸。君。努。明。德。才。將。不。世。出。哈。哈。吾。詩。徒。得。初。盛。間。名。人。以。吾。律。有。清。廟。之。音。遂。冒。台。閣。奏。頌。之。譽。自。得。道。後。厭。爲。此。體。復。從。靖。節。諸。人。切。磋。務。去。浮。華。歸。諸。淡。定。今。降。壇。詩。與。吾。本。體。果。稍。異。否。人。苦。不。自。知。慧。真。道。藝。諸。君。爲。我。一。決。評。之。

謹按 宋仙之問於慧真南歸假期內甫降壇。是日慧真返都。初次到社。宋仙不相識。故有此人卽是慧真之詢。青驢勒雲霓五古一首。借青驢以勉慧真也。

宏教真人臨

慧真由南回京銷假並求 保佑慈親
帝師極盼君來。萱堂有壽之徵。可無慮也。

辛酉四月初一日

何仙降

會期每每致誤。主管會務者尙然。何況其他。慧真一來。大爲領起。實屬難得。謹按是日逾限已久。職員尙未齊集。慧真到社。由電話催促諸執事。始行開

宏教真人柳降

帝師有事。須六時臨。特命吾先來查考。及批答各事。卽照程序單依次批閱。惟社務重要者。敬候 帝師批示。

奉 帝師批立機曰。惟爾立機。忠忱義摯。克昭精純。下弼世教。痼瘵在抱。上格蒼穹。霖澤時沛。量惟君相。憂切斯民。無可記錄。大功曰仁。勉哉。

奉 天闕獎諭立機曰。惠摯。

奉 帝師批慧濟曰。爲民請命。奕德孔彰。薦賢弼教。大澤汪洋。惟爾慧濟。名實相將。後惠新愛。日月爭光。勉之。

記事

記 事

三十二

奉 天闕獎慧濟曰。寬厚。

又批同人曰。皇天無親。惟善是親。神意所格。格於有誠。汝等但能善與誠。則去善不遠。離神不遠。斯可以追隨。玄機慧濟而無愧矣。諸人勉之。

奉 帝師批慧依曰。中年勇邁子路。半世英發教宗。將來化同歐亞。善並女男。惟汝是賴。勉之。

奉 帝師批慧毅曰。惟汝勤。始終無貳。惟汝容。明黯如一。善不擇大。功不顧名。上天寶聞。是謂陰隲。陰隲之賞。與衆不同。功過不錄。

奉 帝師批愛覺曰。惟汝勇。克勤克毅。但未能細微畢察。致澤未實施耳。

何君健默禱問事

心須自持。見自明。外寇莫使奪主人。終朝心在外道。求無個是處。安望眞佛。非不講神鬼現化也。但以無相訣中。自具神通。非凡人所謂燒香拜禱者耳。眞諦具在。靈學要誌。子取而讀之。有餘師。他非所知也。

孚佑帝君臨

慧毅等發起滄州鹽山縣急賑公請正覺等前往辦理

慧毅鏡真勇於爲善。可爲佩慰。正覺廣德等卽速前往賑濟。盡心辦理。自有功德。

諭柳君辛覺云。吾察汝至今。果誠實無少僞。可寶哉。今有善舉欲派汝爲之。且候菩薩法旨。汝尙有事。可先去。但社務盼子隨時襄助。吾嘉汝誠。汝勤善事。後福正多。

諭袁君俊亭云。汝來社多時。吾久欲與汝談。苦無暇隙。今日知汝稍閒。特將數語告子。子頗具誠信。故以托子也。京城內外貧苦最多。沿街老弱。尤堪憐憫。本社正設法救卹。有資於汝者甚多。盼汝隨時籌商一種妥善之法。其功德不小也。勉之毋忽。

訓張君勳伯云。青旂西日鬥龍蛇。馬上工夫久念家。過去花繁憎白眼。相逢草

記事

記 事

三十四

亂。恥。黃。牙。依。山。茅。屋。門。庭。舊。隔。岸。楊。枝。道。路。賒。塊。壘。酒。杯。都。不。是。北。窗。清。夢。卽。
南。華。哈。哈。喻。否。哈。哈。萬。里。江。山。供。白。頭。此。中。况。味。賤。封。侯。清。溪。野。草。驕。春。色。幾。
處。青。青。到。晚。秋。相。見。人。間。亦。夙。緣。非。空。非。色。但。談。玄。月。明。鶴。唳。過。秦。嶺。不。是。
邯。鄲。亦。惘。然。鳥。語。西。清。倍。寂。寥。檐。前。風。雨。正。秋。宵。瑤。琴。默。譜。伊。涼。曲。那。得。旁。
人。和。玉。簫。山。勢。陂。平。任。白。然。得。安。閒。處。卽。真。仙。憑。他。鐘。鼓。高。歌。唱。肯。許。撩。人。
已。定。禪。哈。哈。謹。識。不。忘。

湖南西濟壇弟子徐霞光神化壇孫壽純子到北收緣請訓

仰卽給贈靈學要誌。回去廣爲勸導。並將經留下。汝等爲善以實行爲要。本社一切善業。仰正覺詳告。歸後參照行之。卽命汝北來之意也。

清中一炁貫天人。笑掉慈航渡遠津。碧草茸茸花灼灼。生機相許四時春。此中玄機自然然而無庸強也。汝若以緣往。人自以緣來。本社創設。毫不存畛域之見。道之所敷。無間南北。此間不乏善士。隨其緣而自遇。則可。勿庸代爲指示。蓋

神度人。法門極廣。彼此皆一致耳。自堅心志。莫入歧途。卽照此做去可也。

廉君雅希讓之燕五請訓

汝兄弟均賦性長厚。吾極嘉許。但行好事。莫問前程。

辛酉四月初三日

梅仙降

悟得假期已滿。至今未來。汝等可去電。催其事畢北上。來京供職爲要。伊靈光甚高。人亦正直。豈能任其曠職。

諭朱君昌侯云。汝甚聰明。且頗正直。故爲帝師所賞識。日後當勤學以儲學問。君年正少。斷不可不及時學問。學問爲生活之必要。此時荒廢。他日悔無及矣。此時學成。他日隨心所欲。多少便宜。勉之。慧真悟真皆有學識。可以隨時領教。切切。

辛酉四月初八日

記事

記事

三十六

瞿仙降

今日佛誕。帝師往西天祝壽。恐來臨甚遲。但宏教當先至也。

宏教真人柳降

今日帝師以祝佛祖聖壽。來時甚晏。故吾輩先至。今本第二星期。爲討論善業及道要之日。仍照前講。感應篇陰騭文金剛經各書。

慧依講金經。慧真講陰騭文。摘講一二段足矣。

慧依講金經。無人相無我相。慧真講陰騭文。見先哲於羹牆。慎獨知於衾影均畢。

哈哈。慧依能現身說法矣。慧真所講。見先哲於羹牆。慎獨知於衾影。此二語爲修道關鍵。不僅積德云耳。參看中庸。便知其妙。蓋上句重在定。念下句重在去。欲能實行之。卽成道工夫。諸人勿輕易看過。慧依所講。無我相人相。自是最高層工夫。然念由衆而一。由一而淨。此常軌也。念在先哲。卽念在佛。乃由衆超一。

之道。靜坐時。苦於念之紛。至曷不從事於先哲。羹牆一語乎。

訓孫君樹珊云。空言不補德。立行方稱仁。小善慎勤積。大功在認真。

訓林君慶年云。汝年尙少。正宜勤學修業。何可便事神仙耶。努力修業。再待三十年。許爾入社。

辛酉四月十二日

宏教真人臨

訓塔君雲樵云。三千佛國舊靈根。不易初衷卽本源。漫道神人緣會遠。一腔慈愛契真玄。

訓江君仲熙云。萍梗相逢恰有緣。喜君心地似青天。珊瑚價本千金重。埋沒滄波又十年。勉爲善勤濟人。起色從此見矣。

夏君用卿由南昌寄呈捐款

玄虛君款所分一半濟貧。須救最急者。諸人調查終不明白。將奉嚴譴。此款須

記事

依順天時報之貧民寫真欄內。勿失一家。照數救濟。不得再爲模糊。前已餓斃五家。今又有因貧自盡。半皆載在該報。該調查員不惟身未嘗往。亦且目未曾觀。褻如充耳。本社宗旨之謂何。該員等職務之謂何。已既不能。卽當辭去。勿誤人命爲是。唉。總因官場習氣所染。遂波及於善社。唉。亦可嗤矣。

梁君知非叩問家難

漫將此事尤人。只須謹密守身。看空山花老鶯。嗔稀認不真。唉。回頭路。盡平平。錯却流泉何處津。慎之。

李慧秉捐小米一萬斤於 聖誕日散放貧民

所呈卽稟 帝師分轉註冊。自獲鑒佑。

辛酉四月十七日

吳仙降

諭葛君德馨云。爾今日調查詳密。足敷實惠。年少頗能勤修外功。甚屬難得。故

師常訓內外雙修最要緊之事。救濟有三道。曰正。曰勤。曰去私念。方可担任調
查之職。不然害人利己。罰無可追也。若遇此等人混淆在內。帝師必令過往
神嚴重責罰。決無容情。諸生勉之。

又諭同人云。諸子對於社事。勿介纖毫意見。如心不正。氣不平。則靈光必有邪
魔注於其間。務希各人留意。

辛酉四月十八日

吳仙降

余今本有最得意一首詩。預備借汝等扶出。奈翼真手腕尙生。靈光雖能與我
接觸。而手竟不能如意。殊可惜也。尙須多耐勞苦。方能成也。勉乎哉。

辛酉四月十九日

宏教真人臨

趙君恆光回京叩謁

記事

君幾時來。可喜武弟子又多一人也。將來辦點痛快事。乃善業之功也。

夏君用卿由南昌寄呈一件。以上年臘月杪。帝師在天闕校閱人間善惡簿冊。見城隍奏牘。知人心漸轉。靈學要誌勸化之功。頗大云云。城隍地祇何以能真奏。天闕請明示以釋疑團。

城隍爲地方長官。縣城隍府城隍省城隍都城隍名稱一而職級殊。此次所奏係都城隍所稱。有據各縣城隍有准各省城隍來文者。大略述其勸導之效而已。仁人君子立己達人。苟如此爲懷。不獨神道所許。聖賢仙佛於其基之。

鄧君孝先請假回南

聚未幾時。別又在卽。同門忝長。心殊黯然。師昨語吾。以君不得志於茲。行將遠離。而數限前定。強留不能。可命同社諸人。一如送玄虛之例。爲其餞行。不續白駒之詩。且賡河梁之什。集其唱和。爲之紀念。亦足寫師友之情懷。壯征途之行色也。

周君行壽默禱問事

非戲言。毋易言。人之善得其全。竹枝參差出牆外。野菊非秋黃滿園耐耳。

辛酉四月二十一日

孚佑帝君臨

唉。一個玄虛。(夏君用卿)留他不住。一個道彝。謂鄧君携眷回南又留他不住。豈非教化

之命耶。唉。道彝。你行將有期。故吾親來餞汝。師弟情殷。奈何奈何。憶去歲吾特

識汝於稠人之中。委以教化之重。曾幾何時。而今復相捨也。耶。奈何奈何。吾不

覺泣數行下。唉。特賜酒五滿爵。你我一醉也。各陪敬五滿杯。將紙筆來。吾特賜

墨跡數紙。以為紀念。

辛酉四月二十二

宏教真人臨

呈報正覺赴滄州鹽山等處放賑情形。並由本社弟子等捐資繼續放賑辦

記事

記 事

四十二

法

此舉善功不小。卽如所呈速辦救飢卽救病。人力可回天也。

張君勳伯問事

謝家芳樹半蒼茫。斜日桑榆酒一觴。莫向途人問消息。桃枝曳綠子盈筐。

桂君祥書默禱問事

澹澹秋色芳情自然。莫誤歧路立馬羊邊。

夏君用卿由南昌寄呈問事

壁上觀人何用自嘻。慎取慎與不彼則此。哈哈何慮之深也。謹恕二字。保自上天。

辛酉四月二十四日

何仙降

莊君仁松呈報捐洋五百元爲滄鹽急賑之用

莊君今既能發大宏願。慷慨樂善。真該君之僥倖也。本壽難逾○○之冬。一念感格。上蒼。今帝師令執掌曹官。壽增○紀。可抄錄轉告莊君勿悞。若日後常久不懈。善功更彌固矣。

葛君德馨默禱問事

爾出外就差。將詩書置之高閣。汝何自棄若是之甚也。仰汝於公暇之餘。卽宜學之。

哈哈。勸化編輯事宜。真不易得相當之才也。去年道彝君。帝師於稠人中識之。緣欲伊來吾社襄理編輯。不意今日伊竟南旋。編輯事宜日繁。人才之不易得。慧真一人精神有限。帝師時恐以編輯事累及伊體。奈何奈何。余今日來臨者。係奉帝師特諭。一則編輯事。道彝君已不在京。對於編輯事不能帮忙。悟得君具有才能。可令其速來。

辛酉四月二十六日

記事

記事

四十四

宏教真人臨

訓梁君國棟云。舫隨水。沉浮。花向鏡。生滅。慧性本來同。清養如明月。勉修厥性。免盡厥仁。濟人利物。可望成真。

訓鍾君蕙生云。勤行功過。方懺後世之累。將來造就。誠不可量也。吾甚重君才行。他日。帝師當有重任相倚。勗哉。

奉 帝師傳諭本社重要職員。對於善業。無論巨細。總以儘心力之所及。爲勇猛之進行。當茲事半功倍之秋。切無爲苟且偷安之計。神昭明鑒。賞罰分明。諸子所修功虧一簣。苟或少存玩忽。則猶井不及泉。將何裨於實用。吾願自今以後。與諸子共勉之。凡事之成。成於精進。敗於怠玩。靡不有初。鮮克有終。三復斯言。自知所警。帝師深心遠慮。故有此諭耳。

辛酉四月二十九日

吳仙降

慧真君爲吾社大棟樑也。日後諸生皆欲敬之。此今世塵中甚不易得也。將來決成道器。故特告之。要誌中善業一門。卽速編輯。此最易挽回世風人心也。



記事

記 事



孚佑帝君辛酉聖誕記

先是同人表稱四月十四日恭逢帝師誕辰。本社自創設以來。已屆三載。規模粗具。棲流所貧兒院及貧民工廠均次第開辦多處。而上年北五省旱災。施賑近四十餘萬之鉅。悉遵帝師苦心擘畫。以底於成。允宜崇德報功。宏開壽域。擬是日清晨祝嘏。午備壽酒壽麵。晚間於分社召集梨園演劇數齣。費由社員量力自贖。如不贊成或無力者亦不相強。其不敷之數。慧依一人擔任。不敢動支善金。四月朔日。帝師諭云。汝等有表欲爲吾壽。豈非太費事耶。但出於汝等誠意。又未便却。無已。可集諸生友暢飲一回。以叙人天樂事。至於演劇之舉。儘可免辦。留些錢以爲慈善。此現在最相宜之辦法也。

四月初二日女社開乩。淑德真君諭云。純陽聖誕。汝等演戲之舉。出於至誠。可照議辦理。吾當代向純陽勸說也。

四月初八日。帝師諭云。吾與君等相處已久。事事不存客氣。十四日壽辰。吾前已言之。萬不宜多費。淑德真君與吾戲言。豈吾本心。君等當知福澤由善功而來。善功由利濟而大。若以此浪費之金錢。移作利濟之用。其善功自延及先祖。胡以吾一人之故。而減少多人之惠澤乎。真君爲恐汝輩或節之於此。而未肯用之於彼。故以言試汝等耳。吾深信汝等之誠。並不因壽吾而儉其用費。盛情吾已心領。不必見諸實行。若曰徒酒宴不足以盡歡。則相約文士數人。作爲文酒之會。亦無不可。豈必歌舞方能盡興乎。今社中財力不充。社員又少。富者分餘鶴俸。實有不妥。倘他年社務十分發皇。用費餘裕。再爲稱家之費。尙可說也。今則釀錢爲之。彼二三其德者。且將有疑於吾。非所以昭信仰也。故吾甚欲君等將此舉中止。

同人默禱 聖誕演戲事已預備

哈哈所謂預備者。寧不可收回成命耶。君等未免拘執。唉。吾實大錯。上次不應

許君等耳。然君等必欲遵 真君示。只准限千元以內之用。如過此數。當折吾福。如此數不足用。則惟有停止耳。此係勉副君等之意。吾實無德以當之。是日當請 正陽師及諸金仙。以明吾未敢獨受之意。君等不可謂此舉爲應辦。且不宜多邀賓客也。

宏教真人諭云。帝師以君等固請。所以勉應。然實非本心也。蓋其初不過欲以文酒盡歡耳。至 真君所言。亦不過坤伶數人。幾曲糴稔而已。所有惠移冥界各生先人。自是 真君體貼諸生與勸善之至意。固不以戲角之優劣爲誠否也。慧依諸君至盛之意。帝師與 真君實已心領矣。

謹按 聖誕日。帝師僅欲召集文士數人。開詩酒會。對於演劇一事。辭謝堅決。一則曰。留錢以爲慈善。再則曰。移作利濟之用。不欲以一人之故。減去多人之惠澤。情詞懇切。無一語不以災黎爲念。卽無一語不以慈善勸人。令人讀之。惻隱之懷。油然而動。於中而奢縱之習。惕然有以自返。仰見 帝師

感化之力甚宏也。迨經淑德真君之轉圜。同人等之一再叩請。始勉強允許。而仍限以支用數目。謂如逾限數。當折吾福。嗚呼。以帝師之功。垂萬禩。猶恐自折其福。彼世人。辦一喜慶事。堂戲直視爲泛常。動輒數千金。或萬金。對茲能無愧色。至謂二三其德者。將因此生疑。是亦帝師思慮周密。預防外間譸言。幸劇資皆由社員醵集。所不敷之大多數。悉慧依君慨然解囊。尙足杜人口實。不至訾議橫生也。

四月十四日上午九鐘。同人齊集。十鐘沐手整衣。凝神一致。排班肅立。迎神初獻。亞獻終獻。分次行禮。

讀祝員讀祝文

維民國十年歲次辛酉。四月十有四日甲申。爲我

孚佑帝師聖誕之辰。悟善社弟子等。謹以仙醴珍餚。雲璈法曲。拜手稽首。致祝於

帝師之座前而言曰。惟我
帝師德參泰壹。誕比崧高。孔釋同歸。樹百代人倫之軌。躅羲娥並馭。綿九天日月以推遷。弟子等共沐甄陶幸逢嘉會言臚宛委久謀侑屏之文頌獻岡陵早
矢操觚之願。然而上仙授籙。近金闕之恆言。王子吹笙。特洞霄之慣例。况乃塵寰朽質。所陳皆天保之詩。下土凡材。有慶祇嵩呼之語。又奚足以闡揚至道。增進遐齡哉。惟念本社自建首都已逾期。月溯舊歲。稱觥之日。基址初崇。及今茲介祉之辰。門牆益廣。凡夫薰德。淑身之矩。濟人利物之方。緊善業之進行。悉帝心所默運。此其功德可得言詮。天災流行。何國蔑有。轉徙及於溝壑。流亡徧於道塗。哀鴻已嗽。瞻烏何止。是用設貧民樓。流所蹴爾。而與乞人不屑。忍飢而思掘鼠無衣。而歎懸鶉斗粟。可春勺膏。斯潤。是用立臨時救濟會。安懷限於老少。所重在勤生食。判於衆寡。無教則逸。若乖董勸之術。恐卽惰淫之愆。是用建貧民工廠。任縱荒嬉。是謂賊人之子。栽培傾覆。要當因天之材。但施敷教之能。

自副育才之樂。是用開貧兒學校。若夫權以子母不足者。貸其經營積之。錙銖有餘者。資其儲蓄。非如奸商黽儉操錐刀。以取盈。豪族勢家量豆區而示惠。是用組織慈善銀行。赤文綠字。寫雲篆而能通。玉檢金泥。撰鴻篇而易喻。况復布帛菽粟。非經世則無言。怪力亂神。苟誣民則不錄。是用刊行靈學要誌。綜此數事。凡以教人而嘉與。弟子之深心。尤仰見。

帝師之勤意。故其於焚修也。不言煉汞。亦異談玄。惟弗懈。夫靜修斯漸臻。乎純詣止於至善。同極則於儒生。養其真。如比苦行之佛子。其於唱酬也。圖披主客字。取推敲。商旨格於風騷。辨律聲於雅鄭。裁牋刻燭。集往代之詞宗。畫像留題。署近今之詩友。其於驅疫也。則潛消疹癘。家懸丁甲之符。其於祈雨也。則溥被和甘野溢。滂沱之澤。其於創設分社也。則又以陽開陰闔。示大教之無偏。乾健坤柔。翼交修之各當。抑可謂世登寶筏。人渡慈航者矣。夫玄之又玄者。道也。名無可名者。神也。須臾不可離者。仁也。崇高無可紀者。壽也。

帝師舉此四者兼之一身放諸四海既彌綸夫宙合爰推暨於羣生弟子等望道方殷受恩尤渥用載一年之成績以爲萬衆之馨香言雖不文事皆徵實所願德音汪濊自一人二人而至無量衆生壽宇崇閱亘十世百世以逮萬有千歲不勝歡欣鼓舞虔誠頌禱之至

謹按祝文讀畢焚帛望燎禮成時已十一點半鐘遂敬謹請

劉仙華仙黃仙李仙何仙吳仙洪仙馮仙張仙趙仙十駕均次第降

白鶴銜杯鳳咏詩鈞天聽罷奏咸池冷冷一片清涼曲不似人間鼓與吹
帝師午正降臨諸生速用飯不然無隙矣留酒饌與 帝師唱和可已

梁仙陳仙明仙成仙四駕均次第降

宏教真人明陽真人風徽伯碧眼仙四駕又次第降

絳闕親承玉液卮鸞笙螭板奏新詞瑤臺半闕齊天樂和到春陽第五支

廣潤仙壽益仙二駕又次第降

孚佑帝君臨

人生幾須臾。百年非此軀。當此誕降辰。還念生我劬。德立名始久。道存神始壽。諸生休徒勞。共進延齡酒。

哈哈。吾何敢當。諸君意誠矣。各進酒五大杯。同祝吾道萬歲。吾道在爾躬也。勞君等盛意隆情。吾愧無以克當。望君等益勗善功。他日成就。亦如吾今日也。勉哉勉哉。

汪友來麼。

時汪君仲高來社祝嘏

諸職員詞客陪吾與汪友痛飲一回。

諭汪君云。咱門相逢又是一度。望君功德速成。夙根猶在。復位有望矣。吾與諸人一醉。各卽入座。汪老友與吾對坐。

謹按。座次奉帝師居中。汪君仲高二座。因其居於客位也。

哈哈。今日宜醉。汪友勿辭酒。強爲我一醉。座中二張一文一武。皆饒酒量。各飲十大杯。

謹按。座中文武二張。文謂張君頤伯。武謂張君勳伯也。

吾甚愛武張弟子。亦能作詩否。今日可隨意作幾句古風。各聯可也。我先開端。

碧落踏碎雲和烟。帝師鸞醒鶴醉來寥天寸衷祇自閔陽九。宇澄尺澤倏已霑

大千每憑物力挽世劫。勳伯允執道心修塵緣三年利濟事方始。幹丞衆生化

感功無邊鴻雁不噉環堵集。頤伯雖麟載誦中閨賢有時琅篇出閨苑。仲高譬

如玉種生藍田一編救世亦壽世。閨生萬手生抵萬口傳巍巍算本無極。履

清頂禮拜禱盈後先璇芝濃沁玉醴液。建三珠櫻燦照蟠桃筵咸英聽罷式歌

舞孝先更譜阜解南風絃。帝師

帝師批 其中頗有佳句。

京師悟善社第一貧兒院第二貧兒院第三貧兒院第四貧兒院第五貧兒院

各職員於本日下午率領各院全體貧兒齊集本社排班行祝 嘏禮

帝師諭 待我聽聽蘇武古調於是各院貧兒遵獻唱歌如左

聖誕歌一

望晴空。雲彩章。玉清宮。豁九閭。鈞天廣樂奏。銀潢羅列瓊筵。稱壽觴。會羣仙。乘鸞跨鶴。凌虛法駕。燦翱翔。

聖誕歌二

帝君壽。自無疆。極樂界。蓬萊鄉。如如真性地。天長行化。千年志未央。仁者心。無人無我。三教同融。道彌光。

聖誕歌三

宣釋諦。註金剛。纂太乙。玄秘昌。慈雲普渡。極朔方。惠及小子。飲瓊漿。召貧兒。生計教訓。大德如天。弗敢忘。

帝師諭。原來不是河梁詞。哈哈。賜各教職員及孤兒各五大杯。各院者些桃李。雖是我催督的。究是本社領袖職員所培養的。異日俱是你們的好門生。治平之本。在得人材。除了教育。更無別路。莫要輕視者般青年。日後務求推廣。怕不

轉弱爲強。變貧爲富麼。只要依着行政論。（白雲仙子慈善行政論已刊本要誌第一卷第四期）分設各省。便可望十年之效。怎見得王道無近功呢。

錢君玄機江君慧濟訓勉各院貧兒詞

汝等今來爲
帝師祝壽。應知本社創立各貧兒院。艱難締造。煞費心血。幸

帝師迭次督催。諸大善士慨然贊助。又賴本社諸同人協同經營。或輸貲。或盡力。今日五院次第成立。洵盛舉也。惟汝等正在幼年。切不可因院中有現成衣食。不凍不餓。遂養成倚賴性質。不求上進。須知本社不能教育汝等一世。今日在院中。卽應時時存一將來自立之心。人生在世。矢志爲先。日後培植成材。或有益於身家。或有益於社會。各建事業。各進前程。使人人知某也爲悟善社。貧兒院出身某也爲悟善社。貧兒院造就昔也如彼。今也如此。倘非有悟善社之昔日。安得有今日。則彼時汝等何等幸福。本社何等榮譽。

帝師在天之靈。又何等愉快。汝等萬勿自輕自誤。致負本社收養之微勞。致負帝師提倡之婆心。至於現時在院讀書習藝。務宜聽受各教員之訓導。飲食寒暑。順從各職員之指揮。對於同學貧兒。並宜如兄如弟。互相親愛。視同骨肉。有優於我者。當效法之。有劣於我者。當掖引之。此亦天性中甚關要緊者。切勿沾染下流習氣。致有爭吵或忌嫉及欺凌等情。

各院貧兒答詞

我等家中無力養活。或無父。或無母。或父母雖存。而啼飢號寒。無可爲生。幸有悟善社設立各院。收養我們。洵再造深恩也。敢不仰體。

帝師之慈悲。敢不靜聽悟善社各首領及本院各職教員之訓誨。敬謹頌曰：
帝師萬歲。悟善社萬歲。中華民國萬歲。

時已鐘鳴四點。各院職教員率領各貧兒回歸。是日外間在街市見各貧兒。由本社排隊而出。第一隊旗幟書曰：京師悟善社第一貧兒院。第二隊旗幟書曰：

京師悟善社第二貧兒院。第三隊旗幟書曰。京師悟善社第三貧兒院。第四隊旗幟書曰。京師悟善社第四貧兒院。第五隊旗幟書曰。京師悟善社第五貧兒院。步武整齊。冠服一律。觀者莫不歎為盛舉也。

錢君幹丞呈壽詩七絕六首

清和時節物華新。列笏摳衣拜紫宸。一瓣心香虔頌祝。願開壽宇壽斯民。
亡羊歧路太艱辛。大好山河入夢塵。願祝春秋一枝筆。喚回多少劫中人。
沉災滿目浩無垠。何地羈留說避秦。願祝大千諸世界。慈雲法雨總均勻。
勞形名利昧前因。誰是金剛不壞身。願祝靈根勤護養。蓬萊有約許核真。
杏壇侍序誘循循。至教由來邁等倫。願祝有情齊信仰。樓臺高處湧金輪。
祝罷微詞意未伸。敢將志願答明禪。琅璈普奏鈞天樂。三界常留萬古春。

江君宇澄呈壽詩五古一首

浴佛後六日。吾師嶽降辰。天地鍾靈氣。山川化育仁。朗如天心月。無微不照。

孚佑帝君辛酉聖誕記

十四

臨量同滄海水安可測。涯津贊化開玄妙。調元澤下民。廣大無量佛。慈悲如來。身。牖民惟善教。覺世重傳薪。婆心回浩劫。寶筏渡沉淪。宏願超三界。休風播九垓。五洲瞻紫氣。萬古仰鴻鈞。樂奏霓裳曲。肴陳龍鳳珍。乾陽欣建巳。嵩祝恰逢申。是日日月同明德。天人孰比倫。玄宮開壽域。共祝萬千春。

鄂君孝先呈壽詩排律四百八十言

太乙天垂瑞。生申嶽降祥。壺中綿日月。世上閱滄桑。聖德無疆業。仙家不老方。孚先通帝謂。佑後答民望。自昔徵靈蹟。凡今沐景光。真玄空洞守。中氣渾淪藏。養道居廬阜。浮蹤到岳陽。酒香融醴液。劍氣吐星芒。金闕通宸籙。瑤池列帝觴。救民思衽席。濟世得津梁。京洛初開社。崑崙乍啓疆。天人交沆瀣。弟子盛門牆。器識分閎狹。材能挈短長。善根勤必溉。教術久須昌。元運當旋幹。王綱孰弛張。立功宜省過。扶弱在鋤強。百六鷗廻急。三千彼岸航。祇緣心悱惻。那覺念徬徨。阿閣應巢鷺。歧途莫誤羊。澄懷如止水。辟惡若探湯。古訓時垂式。嚴箴等置防。

不聞矜誕幻。何止警猖狂。紫勅言言貴。丹書字字莊。不脛翻踔遠。叩齒總含芳。亦寫瓊辭秘。頻持玉尺量。歌聲越金石。篇什和琳琅。符命驅神癘。誠求減歲殃。飛章書綠字。祕訣解青囊。大旱憂饑饉。奇災卹死傷。慈雲敷罽藹。甘雨沛汪洋。雅化行南國。仁風被北堂。型家期婉孌。砥俗付姬姜。偕老鷄同鵝。媵修鳳比凰。造端始坤順。正位比乾剛。具備肫肫意。時廻髦髦腸。萬鈞同許鑄。百喙詎能詳。道德應希古。彝倫必飭常。顧名滋懍懍。思義倍皇皇。性或嗷鳩拙。身猶佩鶴章。擘麟珍作脯。浮蠟玉爲漿。風挹浮邱袖。雲生織女裳。詩歌羅錦繡。樂曲譜笙簧。方朔桃盈筥。安期棗實筐。帝延千古壽。民賴一人慶。俚語抒誠貢。微衷掬善將。豈云竊戶奧。但解頌陵岡。靈學光長燭。庸材志自蘊。願爲編寶笈。賡祝未渠央。

陸君潤生呈壽詩七律一首

馭鶴靈光遍大千。海天風景自年年。驚人句早瀛寰滿。壽世方多婦孺傳。花雨同霏新潤澤。蓬山未斷舊因緣。今宵雙拜無私祝。一曲長生侍壽筵。

孚佑帝君辛酉聖誕記

孚佑帝君辛酉聖誕記

張君頤伯呈壽詩七律二首

纔謁韶光拜石龕

上月至西湖韶光拜謁在峰頂有石洞如龕

師丹臺像居中

飲釐今又壽觴酣當空嘹

曉天浮樂到處清涼佛現曇三載法筵開薊北千秋道氣望終南青青祠畔仙

草猶見臨風鶴羽毵

燕臺再世悟前期塵俗沉迷泣路歧為幸知音逢伯樂

近見此宋仙賜詩以駿骨

惟後

僅容遙契接鍾離芝雲不老分甘日梅雨初肥布澤時

本社以春早祈雨獲降甘霖

靈學一編恭珥筆斑斕待紀九如詩

袁君履清呈壽詩七律一首

也捧雲箋獻壽詞巍巍帝德浩無涯海籌更益金天算膏澤欣逢赤地時梅雨

深仁蘇草澤桃觴雅曲頌瑤池孱軀不勝生花筆為祝華嵩晉百卮

汪君仲高呈壽詩七律二首

幾番霖雨慰蒼生赫赫波光阜物亨三六天宮開壽宇大千世界仰神明膏流

華夏慈航遍衣被窮黎歲籥更九府玉清同造化更將園法濟疲民
年來辜負爛柯行火棗交梨憶舊盟大地山河原幻影太虛日月自長明仙人
曾現凡夫相洞府新標祝壽名無上道心頻結念龍華應共話來生

張君勳伯呈壽詩七律二首

星輝南極燦雲章四月瓊宮啓壽觴蓬島寶花森上界瑤池仙實獻東方慈祥
普被人間世圓覺欣瞻佛頂光塵海介眉徵菊部歡呼拜舞薦馨香
仁民愛物大功成俯視塵寰倍有情師本與天同不老人祈斯世共長生
照海銖衣影馭鶴鳴霄玉笛聲遙想五雲樓閣裏衆仙踰躋獻瑤觥

王君秋渠呈壽詩排律一首

端拱援天下仙名震宇中一元翔白鶴萬仞起黃龍丹孕乾坤壽道基水火功
金臺開絳帳玉筍烈華封恰值昭陽盛重逢中呂隆天香啓雲馭梅雨沐瓊宮
嶽降春成錦鸞來月滿空精誠鑑人鬼祝拜格王公露醴承仙掌霞觴想醉容

李佑帝君辛酉聖誕記

孤寒蒙覆載。海上有青峯。

朱君逸馨呈壽詩排律四十八韻

師壽知何極。乾坤浩蕩中。奚勞人共祝。本與日俱洪。南嶽安能比。西池正復同。不生原不滅。非相亦非空。仙史稽生誕。天資稟異聰。幼年知孝悌。壯歲苦專攻。親志常縈念。名場豈在胸。宰官賢德化。進士舉咸通。酒肆曾題句。廬山憶叩鐘。枕函悲立馬。劍氣發長虹。百里辭微吏。南山訪道翁。大丹成九九。上界步重重。欲盡原人度。遠留歷世蹤。菩提明本性。桃李總春風。利濟無終境。慈悲在藐躬。靈光昭日月。善氣薄鴻濛。贊化趨金闕。談玄下紫峰。東瀛消鬼域。南海斬蛟龍。德積人寰重。勳酬帝位崇。敲棋黃葉雨。吟句白雲松。祇樹聞禪理。崑崙有醉容。正酣仙境樂。又憫下元逢。禮教嗟麟鳳。人心邁蠱蜂。營私爭巧詐。體國失公忠。覆卵全無警。稱兵競自雄。天庭怒威赫。塵海夢惺忪。浩劫愁將至。慈衷已暗恫。滅災驅厲氣。救世啓玄宮。挽得祥光煥。銷開惡霧蒙。飛鳥來冀北。馭鶴遍燕東。

衆樂浮先導。諸神擁後從。鶴鸞排聖駕。酒劍侍仙僮。幔啓繁聲寂。壇開香篆濃。梯航宏佛願。沙筆運神功。化俗先叢誌。憂民重百工。樓流容廣廈。資助寓金融。鰥獨周耆老。孤寒庇稚童。善人天爵授。孝子上仙封。福澤無私佑。真傳察至衷。指玄參釋諦。講道衍儒宗。黃册除災劫。朱符避疫凶。狂風驅旱魃。霖雨慰春農。茲值千秋節。齊呼萬壽嵩。烟凝仙掌白。燭燦佛光紅。酒獻千年冽。肴陳庶品豐。讀文聲朗朗。焚帛火熊熊。拜跪誠惶悚。趨踰盡肅雍。祇知恩露重。不覺禮儀隆。

林君品三呈壽詩

帝師誕降。李唐紀年。溯四月望。占一日前。成名成道。誰與比肩。南山東海。福壽長綿。時聆玄語。內自磨研。反觀七尺。空中盤旋。根栽何處。力倚那邊。靜思默念。能勿惕然。生我之始。氣與形連。形爲假合。氣亦漸偏。日精月華。因器物遷。改造器物。精華方鮮。身外生身。鸞鶴踟躕。帝師顯化。直指單傳。簡易平淡。祇在心堅。善因善果。又何疑焉。我祝師壽。一念靜專。追溯往昔。炊沙磨甗。祇爲不知。

孚佑帝君辛酉聖誕記

二十

道藏真詮感受。師恩祝嘏通玄。師壽無極普度人天。

江君澤春呈壽詩排律一首

跨鶴遊三島。鳴鸞下九天。良辰開壽域。聖誕紀仙年。雲錦裁歌扇。霓裳奏舞筵。塵寰同此樂。佛果証前緣。爻象師叅九。慈航渡大千。氣融春到處。功滿月同圓。明德昭今古。推仁覺後先。言行存濟物。大道悟真傳。

陸君建三呈壽詩七律二首

聖德涵濡九月同。均霑雨露頌玄功。開元一第原遊戲。崇祀千秋祝盛隆。五季宋時神化迹。十洲仙島御長風。欲知我祖傳流處。直與乾坤相始終。顛蒙何必計愚賢。覺牖人民道德先。廣大慈祥侔佛祖。正誠念慮繼文宣。伏魔久已功參帝。救世應知不但仙。蕩蕩難名同覆載。祝詞終屬管窺天。

夏君用卿由南昌寄呈壽詩長歌一首並呈千元為壽禮

同人壽 師詩一篇虛也壽 師金盈千寧不知神仙於財無所取將以佐

師利人濟物之微權竊聞今歲大河北苦旱仍復若庚年饑饉洊臻民何罪蒼黎哀憫心憂煎豈無富埒王侯者對此不動殊恬然亦嘗苦口為呼籲寒衷充耳如酣眠吾師慈悲勤救護點金幻術忍流傳問虛何從得辦此筆耕汗血囊餘錢向平有願願非急挹彼注茲多安全舉家持齋不餓死當念葑屋絕炊煙持此饑溺迫切意掬誠貢獻吾師前我師吾佛本自無量壽願與佛心壽民壽世俱無邊

帝師諭

玄虛

即夏君

如此多情然我却那裏用此千金以一半施濟以一半分

賜平日事吾最苦且久之貧弟子可也並即賜玄虛福五釐轉移所司因其濟貧故也非因其壽吾也

唉事吾勞苦功高最久且貧之悟真學禮學復悟得情覺悟義學養皆來汝等事吾最勞且久欲以庚辛相界苦社款不足玄虛壽我以金我安用之除一半濟急外輒以賜汝等今日吾誕聊以為汝等酒錢耳哈哈他日再有壽吾

孚佑帝君辛酉聖誕記

以金者。當以分賜諸弟子中之雅裕者耳。吾言不誑。勿以為笑談。

宋仙諭云。帝師去矣。即送。帝師及正陽帝君暨諸金仙。已將蒞分社。

時已五鐘。同人遵即前往分社侍乩。並料理演劇事宜。以下均記分社事

劉仙韓仙吳仙洪仙均次第降。

帝師早臨。在此恭候。正陽帝君仰汝等肅敬一刻。

同人遵候至六鐘請乩。奉劉仙諭云。正陽帝君七鐘到現。帝師已暫去。

侯與正陽偕臨。

先驅諸仙降。

孚佑帝君降。

諸生恭迎。正陽帝駕。

正陽帝君臨。

分騎野鶴。閑閑意向人間度。一齣天人同樂。萬里千里流景。陽和記得相逢碧。

落。笑。口。祝。君。低。眉。戲。我。今。日。莫。辭。歡。諶。看。羣。俊。一。堂。傳。杯。勸。爵。又。何。妨。放。浪。形。
骸。湊。他。塵。寰。音。樂。

劉仙諭云。諸女生恭迎。淑德真君駕。諸男生侍左。諸女生侍右。毋得雜亂。

青鳥使者先導降

飛瓊女仙左侍

綠萼仙女右侍

敕封淑德真君上真金仙臨

曉。開。雲。函。萬。疊。青。並。跨。雙。鳧。出。玉。京。隨。風。仙。侶。飛。鸞。久。饒。我。散。花。遲。漫。行。君。等
祝。壽。我。來。太。遲。應。自。罰。十。大。杯。

時舞臺業已開演。是日戲目爲蟠桃會。醉寫草橋關。梳粧跪池。八大錘。斷臂。藝
員爲朱桂芳。高慶奎。裘桂仙。王鳳卿。梅蘭芳。姜妙香。姚玉芙。楊小樓。余叔岩。
淑德真君諭。哈哈。亦甚樂也。汝師本不願演劇。是皆我之咎也。錯自錯。樂自樂。

切勿怨人也。

帝師諭。妙則妙矣。未免糟踏方山過甚。日後演戲。須斟酌也。

謹按時梳粧跪池適演畢。是齣係姜妙香去陳方山。妙則妙矣。一語。謂演術妙。亦謂妙香妙也。

劉仙示云。帝師。真君及諸金仙皆去。

帝師及諸仙留諭。各職員賜福三釐。

四月十六日。余仙諭云。諸子祇要毅力同心。盡心向善。無存絲毫私利之心。則天人一致。自無譏誚者矣。至誠能動天地。况於人乎。蘇子瞻韓文公碑文末段。正今日之謂。能開衡山之雲。而不能弭皇甫之謗。正此之謂。但人須誠而又誠。日久自可弭也。

四月十九日。宏教真人諭云。帝師前日以君等勞費。甚抱不安。曾命道謝。帝師原恐悠悠之口。故欲免去演劇。然吾輩以道德相尙。亦無恤乎謠詠。君等

須知社會人心。日益趨於污下。是非倒置。何可與論道德仁義之說。哈哈。無人相我相者佛也。以吾仁吾義者儒也。帝師恐君等或介於懷。故囑余告君等。謹按聖誕演劇。頗有事後議論者。故余仙及宏教真人有此訓諭。



募刊

金科輯要小引

謹按

金科一書卽

天津也。凡二百餘冊。定之

上帝秘之玉篋。道光戊申年間。時當收刼。重定條款。

勅頒各省府縣。隍司里社。照例施行。

文昌帝君見浩刼將臨。人民造孽日甚。心深悲憫。協通都刼司策商救刼。詣

闕請頒是科。垂之下宇。再三泣懇。乃蒙

帝恩俯允。遂於咸豐六年。傳知都司屬武昌顯祿二侯。會同本宮仙衆。降筆於湖南醴陵縣之播鼓

橋誠盡林。以原書條繁牒蔓。人苦披觀。因刪繁就簡。僅述百分之五。閱三載。乃成功名曰

金科輯要。分誅賞宥三門。以孝弟忠信禮義廉恥爲綱。以官士農工商役爲緯。竊嘗詳繹其書。

於善惡功罪之根源。動靜云爲之變態。莫不窮原竟委。極深研幾。其間論善惡則審夫心跡。

定功罪則詳夫利害。其審心跡也。或有有心。或無心。或有爲而爲。或勢非得已。必求其故。爲主

爲輔。爲智爲愚。爲強爲弱。必察其情。其詳利害也。爲未萌。爲見端。爲極致。必觀其著。爲大爲

小。爲輕爲重。爲久爲暫。必考其成。他若賞罰種類之協宜。進退出入之微細。因果報應之至理。生死升降之玄機。凡人口所不能言。心所不及思者。皆爲之發微闡幽。批郤導窾。以決其疑焉。故使讀之者。渙然冰釋。怡然理順。雖欲不信。而不慊於心。雖欲致訐。而不知所說。雖欲爲惡。而有所不肯。雖欲不爲善。而有所不得。是故愚者使明。柔者使強。中材嚮往。賢士奮興。苦節彌堅。逸樂知戒。此誠正心修身之要典。齊家治國之良規。救危拯溺之奇方。超凡入聖之正路。人力所不能爲。而世典所未嘗有者。清大學士李文忠公鴻章有見其然。特奏請收入道藏。而兩湖江西閩粵及京師亦有刊本。世變迭經。舊版寢失。初余久耳其名。戊午歲從桂友龍積之大令。覓得李文忠奏稿。仍未見其書。閱三年辛酉之秋。姚博施先生從坊間搜得一部。因謀付諸剞劂。以廣其傳。旋博翁因事出京。復承王鐵珊劉子和兩先生大發善心。同任募刊之責。並囑愚一言爲引。愚以是書表裏六經。包羅萬有。剖析幽明。理周事備。示彰瘴之公。盡勸懲之術。誠能家喻戶曉。人手一編。拳拳服膺。而致力焉。將見比戶可封。三代之隆。可以立見。推諸萬國大同之治。可以豫期。豈但消災弭劫於一時一地而已乎。惟是書卷帙甚富。需款浩繁。欲廣流傳。須資財力。思衆擎之易舉。敢求助夫仁人。諸君子善量素宏。良緣辛遇。披其梗概。諒表贊同。倘荷惠以廉泉。助成秘典。俾通行於京外各地。將見法雷所播。無邊罪告。悉昭蘇。亦如時雨所滋。一切有情。咸利賴。如斯功德。曷罄名言。其諸君子亦有樂於是歟。是爲引。

孚佑帝君定購贈靈學要誌恩例

一有純孝之子憂親不壽祈禱無門者購贈要誌四部准增一齡七十五外不准具求其有憂已憂兄弟妻子憂朋友不壽者購贈要誌四部准增一齡七十外者不准具求遇有具詞准照具詞日即登蒲田籍候刷送多少如願遂求註登壽籍

一有純孝子孫追慮已沒祖親考妣魂沈苦海欲求超度無門者能購贈要誌十部准超一代逍遙五部者准再生中土二十部者准登神道爲伯叔外親尊長均同此例但贈送之書上必印沒者之姓名(刻某某敬送)其有爲兄弟妻子及外嫗同輩與夫朋友等類各照加一部遇有此等具求准照具詞日即行標名赦册候贈送已行即准照例施行

一有艱於嗣息無論已經生育預行懇保及未經生育叩求 恩息能購贈要誌十五部准照具詞日無嗣者准即填標蒲田已生者同論候贈送已行無嗣者即准填嗣籍已生者即准填入壽籍

一有從前多行積孽一旦知非頓行改轍但憂前罪稍深求贖無自者能購贈要誌十部准消前罪一貫以後照料遇有叩求准照具詞日登名蒲田候贈

送已行卽准照例具消前罪

一有素善之人牽染時疫病苦者能購贈要誌二部卽准遣神宥免若在素多惡習不信正道之人必能購贈十部乃准許免

一今生行止多牽實爲前劫冤累有能反省欲行超解者能購贈要誌一部准消一世

一有命犯官符牽訟莫休欲休者大者購贈要誌三十部准免中者二十部准免小者十部准免

一有身遭刑獄欲脫無自者大刑（斬殺之類）能購贈要誌三百部准免中刑（軍流徒）二百五十部准免次刑（笞杖牢獄之類）二百部准免下刑（戒飭押罰之類）一百五十部准免

謹案靈學要誌一書輔正人心挽救末劫報捷影響

宇佑帝君恩例原俾下界人民咸知求無不應共荷轉移之力其德誠至矣哉茲將恩例刊附播傳遠邇閱者遵例奉行自是如意而獲如能樂助刊費尤爲功德無量其福報當未有艾也信善君子尙其省諸

悟善社宣化部總發行股謹啓

敬啓者、古謂詩可以興、又謂溫柔敦厚詩教也、又謂詩主文而譎諫、言之者無罪、聞之者足以戒、由是觀之、詩教之爲益大矣、步君翰卿搜集古今詩歌數十種、擇其闡發道德、攄寫性情、而又淺顯痛切、易於感人者、四百五十餘首、分爲四編、首己身、次家庭、次社會、再次國家、而每編之中、又分十餘類、如己身編、則有務學勵行、省克威儀、言語敬慎、弘毅勤樸、遯潛游藝、衛生循序、擇善雜戒等類、家庭編、則有祖宗父母兄弟姊妹夫婦子孫戚族傭僕宅第庖厨等類、社會編、則有師生朋友禮讓仁愛鄉黨宴會施報釋道方術合羣等類、國家編、則有元首法律慈惠公正廉潔義烈知足知止教育農桑賦稅軍事邦交尊賢國民等類、並於各類之下、說明要旨、其所證引、多取經史大義、及先正格言、冀童蒙於詩歌之外、兼獲觸類旁通之益、是編字體頗大、圈點明晰、紙張堅厚、共計四

編分訂二冊、實價大洋八角、郵費五分、以之啓迪童蒙、固足爽心豁目、卽作爲座右銘觀、作爲小說書讀、亦均有益於身心、因此編義歸雅正、詞取淺顯、儘多閱歷之言、絕少陳腐之氣也、方今人心不古、大義就湮、父兄對於子弟、師長對於生徒、均抱有誤入歧途之懼、倘於學校課餘、令其諷誦一二篇、藉以感發其孝弟忠信禮義廉恥之念、其裨益當匪淺渺如荷

大雅君子、力任提倡、廣爲推銷、豈惟後起英才、胥霑

德澤、卽己身家庭社會國家、亦均默受其益矣、附送購書單據、卽希查收、備用爲荷、肅此佈達、敬頌

台綏

附購書單據

悟善社發行股敬啓

金丹心法一書爲八洞上眞所著內言性命雙修之法理自煉已築基以至於成眞證果分門別類次第井然其書宏博奧衍深切著明發前聖所未發共四萬餘言洵道書中之鴻寶秘笈也今由錢幹臣江宇澄段芝泉諸先生覓得舊藏眞本付諸剞劂用上等連史紙裝訂兩大冊茲爲普度起見以公諸世僅收回紙張印刷費現洋四元四角外埠加郵費十分有願購閱此書者請將書價郵費寄交本社要誌發行處卽爲寄書決不貽誤特此廣告

劉盼蟾子道書三種一曰敲躡洞章挈修道之範圍一曰濫
熿易攷講洛書之儒貫一曰道源精微實修真之寶鑑均掃
滌邪說淺近易知茲由本社覓得原版刷印成帙計共六本
定價三元請向本社發行股購取爲幸

樵陽經乃三天秘旨由 純陽帝師與 許祖都仙授之樵
陽有 純陽帝師及 白玉蟾祖師各序此經係江西洪崖
道院寄售每部售價一角請向本社發行處購取

北京松樹胡同悟善社發行股啓

中華民國十一年四月出版



版權
所有

每冊現大洋四角
全卷十二冊大洋四元

編輯者

悟

善

社

北京宣內松樹胡同四十八號

電話西局二千三百三十號

印刷者

光華美術印刷有限公司

宣武門外海北寺街
電話南局一四二九

▲▲注 意▼▼

本社發行靈學要誌手續極爲清楚每期發行將購閱諸君姓名一一書於送郵簿上詳細點交郵局仍請郵局於簿上一一分別加蓋郵政戳記是本社所發要誌均有冊簿可稽尤有郵戳爲據決無遺漏之弊乃現接數函謂前期要誌尙未收到爰向郵局交涉據郵局聲稱簿上既有郵戳自應負責毫無錯誤本社又從他方面根究原因或因住址遷移無法投遞或因門房視爲印刷品不甚措意甚有某宅於收到要誌時被他人拆閱隨手拋置而本人並未寓目嗣又檢出者此皆查明之實在情形也此後務乞購閱諸君格外注意隨時稽查如有住址遷移尤望從速將詳細地點及門牌號數函知本社發行股是爲至禱

悟善社發行股謹啓